

清

史

稿

清史稿

列傳四

諸王三

太祖諸子二

鎮國勤敏公阿拜

鎮國克潔將軍湯古代

子鎮國公孟克

莽古爾泰

輔國愍厚將軍塔拜

饒餘敏郡王阿巴泰

子安和親王子魯圖子福康子巴圖魯子洛

鎮國恪僖公巴布泰

德格類

巴布海

阿濟格

輔國介直公賴慕布

鎮國勤敏公阿拜太祖第三子天命十年偕塔拜巴布泰伐東海北路呼爾哈  
部俘千五百戶還太祖出城迎勞授牛象章京天聰八年授梅勒額真崇德三

年授吏部承政四年封三等鎮國將軍六年駐防錦州八年以老罷承政順治四年進二等五年二月卒十年追封諡阿拜子有爵者三輩安襲三等鎮國將軍進輔國公千圖顯善封輔國公千圖詮介直鞏顯善之後皆以奉恩將軍世襲

鎮國克潔將軍湯古代太祖第四子事太宗授固山額真取永平四城湯古代偕圖爾格納穆泰守灤州天聰四年明兵攻灤州急貝勒阿敏怯不敢援遣巴都禮率數百人突圍進夜三鼓入灤州既明兵以礮壞城城樓火湯古代等棄城奔永平既還太宗廷詰之湯古代引罪請死太宗曰汝不能全師而歸殺汝何益下所司論罪免死罷固山額真奪所屬人口籍其家八年授三等梅勒章京崇德四年封三等鎮國將軍五年卒子二穆爾察初封三等奉國將軍襲爵進二等卒諡恪恭肅克塞襲穆爾察三等奉國將軍從多鐸略塞遠從多爾袞定京師逐李自成至慶都皆有功累進鎮國公坐事降二等鎮國將軍康熙四年卒無子爵除

莽古爾泰太祖第五子歲壬子從太祖伐烏喇克六城莽古爾泰請渡水擊之太祖曰止無僕何以爲主無民何以爲君我且削之遂燬六城移軍富勒哈河越日於烏喇河建木城留兵千守焉天命元年授和碩貝勒以序稱三貝勒四年明經略楊鎬遣總兵杜松以六萬人出撫順關劉綎以四萬人出寬甸莽古爾泰從太祖禦松界凡伏兵薩爾濟谷口伺明兵過將半擊之我軍據吉林崖明兵營薩爾濟山復偕貝勒代善等以千人登吉林崖而合師攻薩爾濟大破之松戰死又從太祖還軍擊斬綎八月從伐葉赫五年太祖伐明略懿路蒲城令莽古爾泰以所部逐敵率健銳百人追擊明兵至渾河乃還六年鎮江守將陳良策叛投毛文龍莽古爾泰偕代善還金州民復州十年攻克旅順口察哈爾林丹汗侵科爾沁部圍克勒珠爾根城莽古爾泰赴援至農安塔林丹汗遁十一年太祖伐喀爾喀巴林部先命諸貝勒略錫拉穆楞皆以馬乏不能進莽古爾泰獨領兵夜渡擊之俘獲無算天聰元年攻明右屯衛又以偏師衛塔山糧運三年從太宗征明阿巴泰自龍井關入攻漢兒莊莽古爾泰偕多爾袞多

鐸爲繼降其城旋諭降潘家口守將上克洪山口逼遵化莽古爾泰自漢兒莊合軍擊敗明總兵趙率教擒其副將戚調元師進次通州薄明都明諸道兵入援莽古爾泰遣巴牙喇兵前行與多鐸殿值明潰卒來犯擊殲之從上閱薊州破山海關援兵四年二月克永平遵化還與明兵遇敗之五年從圍大凌河正藍旗圍其南莽古爾泰與德格類率巴牙喇兵策應明總兵吳襄監軍道張春赴援距城十五里而營莽古爾泰從上擊之獲春等富圖大凌河時莽古爾泰以所部兵被創言於上上偶詰之曰聞爾所部兵每有違誤莽古爾泰恚曰寧有是耶上曰若告者誣當治告者果實爾所部兵豈得無罪言已將起乘馬莽古爾泰曰上何獨與我爲難我固承順乃猶欲殺我耶撫佩刀頻目之貝勒德格類其母弟也斥其悖爭毆之莽古爾泰益怒抽刃出鞘左右揮之出上憤曰是固嘗弑其母以邀寵者諸貝勒議莽古爾泰大不敬奪和碩貝勒降多羅貝勒削五牛象罰銀萬及甲冑雕鞍馬十素鞍馬二六年從伐察哈爾林丹汗遁移師伐明略大同宣府十二月卒上臨喪漏盡三鼓始還又於中門設幄以祭

哭之慟乃入宮九年莽古爾泰女弟莽古濟格格所屬冷僧機告莽古爾泰與德格類莽古濟格格盟誓怨望將危上以莽古濟格格夫瑣諾木爲證搜得牌印十六文曰大金國皇帝之印追奪莽古爾泰爵莽古濟格格及莽古爾泰子額必倫坐死餘子並黜宗室

輔國愨厚公塔拜太祖第六子天命十年伐東海北路呼爾哈部有功授三等甲喇章京天聰八年進一等尋封三等輔國將軍崇德四年九月卒順治十年追封設塔拜子八有爵者三額克親班布爾善巴都海額克親崇德元年從阿濟格伐明偪燕京明兵自涿州來拒親陷陣破之四年封三等奉國將軍尋襲爵五年從多爾袞攻錦州復從多鐸追擊明兵於塔山六年上圍錦州敗洪承疇兵十三萬移軍近松山掘壕困之明總兵曹變蛟夜突上營額克親偕內大臣錫翰力禦卻之敘功賜銀八十順治元年從多爾袞入山海關破李自成有功累進鎮國公七年授正白旗滿洲固山額眞復進貝子八年坐附羅什博爾惠諂媚諸王造言構釁削爵黜宗室九年復入宗室授內大臣十二年卒班布

爾善累進封輔國公以附鰲拜譴死附見鰲拜傳巴都海亦封輔國公諡恪僖  
饒餘敏郡王阿巴泰太祖第七子初授台吉歲辛亥與費英東安費揚古率師  
伐東海窩集部烏爾固辰穆校二路俘千餘人還天命八年偕台吉德格類等  
伐札嚕特部渡遼河擊部長昂安昂携妻子引牛車遁師從之昂邦章京達  
音布戰死阿巴泰繼進斬昂安及其子俘其衆還太祖郊勞並賚從征將士太  
宗卽位封貝勒阿巴泰語額駙揚古利達爾漢曰戰則擐甲冑獵則佩弓矢何  
不得爲和碩貝勒語聞上曰爾等宜勸之告朕何爲天聰元年察哈爾昂坤杜  
梭來歸與宴阿巴泰不出曰我與諸小貝勒同列蒙古貝勒明安巴克乃位我  
上我恥之上以語諸貝勒貝勒代善與諸貝勒共責之曰德格類濟爾哈朗杜  
度岳託碩託早從五大臣議政爾不預焉阿濟格多爾袞多鐸先帝時使領全  
旗諸貝勒皆先爾入八分爾今爲貝勒得六牛衆已踰分矣乃欲與和碩貝勒  
抗行得和碩貝勒不更將覲覲耶阿巴泰引罪削甲冑雕鞍馬四素鞍馬八二  
年與岳託碩託伐錦州明師退守寧遠克墩臺二十一毀錦州杏山高橋三城

還三年從伐明自喀喇沁波羅河屯行七日偕阿濟格率左翼四旗及蒙古軍攻龍井關夜半克之明將易愛自漢兒莊赴援擊斬之取其城會上克洪山口逼遵化敗明山海關援兵克之復趨通州明總兵滿桂侯世祿屯順義阿巴泰偕岳託擊走之獲馬千餘駝百順義亦下時袁崇煥祖大壽以兵二萬屯廣渠門外阿巴泰偕莽古爾泰等率師攻之聞敵伏兵於右諸貝勒相約入隘必趨右若出中路與避敵同豪格趨右敗伏兵轉戰至城壕阿巴泰出中路亦破敵與豪格師會罷戰諸貝勒議違約罪阿巴泰當削爵上曰阿巴泰非怯以顧其二子與豪格相失朕奈何加罪於吾兄宥之徇通州焚其舟略張家灣從上至薊州明兵五千自山海關至舊營殲其衆四年從上圍永平與濟爾哈朗邀斬叛將劉興祚尋命守永平明兵攻灤州偕薩哈璘赴援明兵引退代還五年初設六部掌工部事從上圍大凌河正黃旗圍北之西鎮黃旗圍北之東阿巴泰率巴牙喇兵爲策應大壽降阿巴泰偕德格類多爾袞岳託以兵四千易漢裝從大壽夜襲錦州二更行礮發不絕聲錦州人聞之謂大凌河兵逸爭出應之



師縱擊斬馘甚衆霧兩軍皆失伍乃引還七年築蘭磐城賜御用蟒衣一紫貂皮八馬一詔問征明及朝鮮察哈爾三者何先阿巴泰請先伐明八月略山海關俘數千人還上迎勞責其不深入八年從征宣府至應州克靈邱及王家莊九年阿巴泰病手痛上曰爾自謂手痛不耐勞苦不知人身血脈勞則無滯惟家居佚樂不涉郊原手不持弓矢忽爾勞動疾痛易生若日以騎射爲事寧復患此凡有統帥之責者非躬自教練士卒奚由奮爾母媼安斯克敵制勝身不期強而自強矣崇德元年封饒餘貝勒偕河濟格等伐明克雕鴉堡長安嶺堡薄延慶分兵克定興安肅容城安州雄東安文安寶坻順義昌平十城五十六戰皆捷俘十數萬師還上出城十里迎勞酌以金卮上伐朝鮮留防噶海城三年上伐喀爾喀阿巴泰與代善留守築遼陽都爾弼城復治盛京至遼河道道廣十丈高三尺濬壕夾之副多爾袞率師伐明毀邊牆入越明都趙涿州直抵山西復東趨臨清克濟南略天津遷安出青山關還賜馬二銀五千四年偕阿濟格略錦州寧遠五年偕多爾袞屯田義州分兵克錦州城西九臺刈其禾又

克小凌河西二臺偕杜度伏兵寧遠截明運道奪米千石移師收明杏山松山兵時大軍更番圍錦州阿巴泰屢往還其間六年坐從多爾袞去錦州三十里爲營及遣士卒還家諭削爵奪所屬戶口詔寬之罰銀二千尋從上破洪承疇援兵十三萬七年錦州降偕濟爾哈朗圍杏山克之還守錦州叙功賜蟒緞七十月授奉命大將軍伐明內大臣圖爾格副之自黃崖口入邊敗明將白騰蛟等於薊州破河間景州趨兗州擒斬明魯王以派等分徇萊州登州青州莒州沂州南至海州還略滄州天津三河密雲凡克城八十八降城六俘三十六萬得金萬二千銀二百二十萬有奇八年五月師還上遣濟爾哈朗多爾袞等郊迎三十里賜銀萬順治元年四月進郡王二年統左右兩翼兵鎮山東勦滿家洞土寇尋還三年薨康熙十年追諡阿巴泰子五有爵者四尙建博和託博洛岳樂而岳樂襲爵安和親王岳樂阿巴泰第四子初封鎮國公順治三年從豪格徇四川擊斬張獻忠六年封貝勒八年襲爵改號安郡王九年掌工部事與議政十年命爲宣威大將軍駐歸化城規討喀爾喀部土謝圖汗車臣汗尋

行成入貢乃罷兵十二年掌宗人府事十四年進親王康熙十三年吳三桂耿精忠並反犯江西命爲定遠平寇大將軍率師討之自江西規廣東次南昌遣兵復安福都昌十四年復上高新昌戰撫州唐埠七里岡五桂寨徐汭屢破敵復餘干東鄉詔移師湖南疏言江西爲廣東咽喉當江南湖廣之衝今三十餘城皆陷賊三桂於醴陵造木城增僞總兵十餘人兵七萬棵棵三千固守萍鄉諸隘若撤撫州饒州都昌諸路防兵盡赴湖南則諸路復爲賊有否則兵勢單弱不能長驅廣東諸路恐亦多阻臣欲先平江西無却顧憂然後移師疏聞上令迷定江西岳樂督兵攻建昌精忠將邵連登率數萬人迎戰長興鄉擊走之克建昌並下萬年安仁師進克廣信再進克饒州破敵景德鎮復克浮梁樂平分兵徇宜黃崇仁樂安皆下並諭降泰和龍泉永新廬陵永寧及湖廣茶陵諸縣師再進克靖安貴溪疏言三桂聞臣進取必固守要害非緣旗兵無以搜險非紅衣礮無以攻堅請令提督趙國祚等率所部從臣進討並敕發新造西洋礮二十又疏言精忠將張存遣人稱有兵八千屯順昌俟大軍入閩爲應詔以

簡親王喇布專主福建軍事而趣岳樂赴長沙十五年岳樂師克萍鄉塹薄長沙疏言敵船集長沙城下我師無船難以應敵長沙附近林木頗盛請先撥戰艦七十艘仍令督撫委員伐木造船如所請八月詔曰朕聞王復萍鄉直抵長沙甚爲嘉悅王其善撫百姓使困苦得紓即脅從者皆朕赤子當加意招徠十六年遣兵破敵瀏陽斬千餘級克平江十七年破敵七家洞三桂將林興珠等自湘潭來降九月三桂既死詔趣岳樂進師岳樂請赴岳州調度諸軍上命大將軍察尼規取岳州而令岳樂仍攻長沙十八年正月岳州降長沙賊亦棄城遁遂入長沙遣兵復湘潭尋會喇布軍克衡州寶慶分兵守焉復與喇布合軍攻武岡破敵寶慶嚴溪斬級數百獲舟四十師次紫陽河敵於對岸結營師巡渡分兵出敵後夾擊之敵潰走三桂將吳國貴胡國柱以二萬人守隆發破殪國貴奪隘貝子彰泰遂敵至木瓜橋遂克武岡及楓木嶺詔召岳樂還京師以敕印付彰泰十九年正月下詔褒岳樂功岳樂至京師上於盧溝橋南二十里行郊勞禮順治初故明外戚周奎家有自稱明太子者使舊宮人及東宮官屬

辨視非是三桂反京師又有朱慈瑞者自稱三太子私改元廣德糾黨舉火爲亂事敗慈瑞走免鞠其黨謂其眞姓名爲楊起隆及岳樂駐師楓木嶺於新化僧寺得朱慈燦自言爲莊烈帝長子聞難奔南京福王寅諸獄釋爲民從朽木和尚爲僧往來永州寶慶間以三桂悖逆反覆將募兵聲討三桂死乃止至是岳樂携慈燦來京詔令慈瑞黨相見復不相識乃斬之二十年仍掌宗人府事二十七年偕簡親王雅布往蘇尼特防噶爾丹二十八年二月薨予諡三十九年貝勒諾尼許岳樂掌宗人府聽訟枉坐諾尼不孝罪追降郡王創設岳樂子二十有爵者三蘊端瑪爾渾經希蘊端封勳郡王坐事降貝子復坐事奪爵經希封僖郡王岳樂得罪降鎮國公卒停襲瑪爾渾襲爵瑪爾渾好學能文章蘊端亦善詩詞瑪爾渾又輯宗室王公詩爲宸萼集一時知名士多從之游四十八年薨諡曰懿子華妃襲五十八年薨諡曰節雍正元年十二月詔曰義安郡王岳樂諂附輔政大臣每觸忤皇考蒙恩始終寬宥而其諸子全不知感傾軋營求妄冀封爵瑪爾渾華比相繼夭折爵位久懸岳樂諸子伍爾占諸孫色亨

圖等怨望形於辭色廉親王允禩又復逞其離間肆爲讒言安郡王爵不准承襲乾隆四十三年高宗以阿巴泰岳樂屢著功績封華圻孫奇昆輔國公世襲溫良貝子博和託阿巴泰第二子初封輔國公崇德元年從征朝鮮圍南漢山城偕尼堪擊走其援兵斬殪甚衆三年從伐明白董家口略明都西南六府入山西界移師克濟南師還賜銀二千七年從阿巴泰伐明白黃崖口入及還賜銀三千順治元年從入關破李自成進貝子三年從多鐸擊喀爾喀蘇尼特部騰機思騰機特等五年九月卒予諡子六彰泰襲貝子彰泰襲爵進封康熙十三年春吳三桂陷湖南上命貝勒尙善爲大將軍率師下岳州以彰泰參贊軍務十五年詔責行師延緩彰泰與尙善議水陸並進遣額司泰等破敵洞庭湖獲舟五十餘敵立椿套湖峽口阻我師十七年督兵伐椿棹輕舟破敵柳林鵞發礮燬其船八月尙善卒於軍貝勒察尼代爲大將軍授彰泰撫遠將軍九月督兵出南津港十月破敵陸石口屯白米灘絕三桂兵側道十八年三桂將陳珪等以乏食出降吳應麒走衡州都統珠滿等克湘陰彰泰克華容石首會安

親王岳樂復長沙簡親王喇布復衡州詔彰泰與會師自衡州進攻武岡擊破三桂將吳國貴等十一月召岳樂還京師命彰泰代爲定遠平寇大將軍十九年復沅州靖州三桂所置綏寧諸將吏及附近土司俱降疏言將軍蔡毓榮調遣漢兵今進取貴州若不相聞恐礙事機詔毓榮軍事關白大將軍十月次鎮遠遣兵攻鎮遠衛關截其隘而與毓榮督兵躡敵壘所遣兵亦奪十向口破敵大巖門逐之至偏橋衛遂復鎮遠進下平越及新添衛趨貴陽三桂孫世璠及應麒等俱走還雲南迭克安順石阡都勻思南諸府十一月復永寧破敵安籠鋪逐之至雞公背山鐵索橋師駐貴陽詔趣彰泰進規雲南二十年正月渡盤江破敵沙子哨進次臘茄坡復新興所逐北三十里克普安霑益大將軍賚塔自廣西入曲靖會於嵩明州合圍雲南會城距三十里世璠將胡國柄劉起龍等以萬餘人列象陳拒戰賚塔軍其右彰泰軍其左自卯達午殊死戰破敵陣斬國柄起龍等俘獲無算令諸軍分扼南壩薩石衛走馬街雙塔寺得勝橋重關諸地於是大理臨安永順姚安武定世璠所置將吏相繼詣軍前降世璠將

馬寶胡國柱等自四川夏國相自廣西還救雲南彰泰遣兵迎擊寶次姚安亦乞降國柱走鶴慶麗江希福攻雲龍州國柱自經死國相走廣西李國樑等圍之西板橋國相亦降與寶同檻送京師將軍趙良棟師自四川至彰泰偕寶塔及良棟等屢破敵南壩得勝橋太平橋走馬街諸地師薄城環攻世璠自經死其將何進忠等山降彰泰戒將士毋殺掠入城安撫收倉庫戮世璠尸函首獻闕下雲南平授左宗正二十一年十月師還上迎勞盧溝橋南二十里二十二年議初下岳州遷延罪以功不坐賜金二十銀千二十四年坐濫舉宗人府屬官罷左宗正二十九年正月卒子屯珠襲鎮國公授左宗正禮部尙書五十七年卒贈貝子諡恪敏孫逢信以輔國公世襲博洛阿巴泰第三子天聰九年從伐明有功崇德元年封貝子二年與議政三年授理藩院承政從攻寧遠趙中後所明將祖大壽襲我軍後巴牙喇囊章京哈寧阿等與相持博洛突前奮擊大壽引却五年從濟爾哈朗迎來歸蒙古蘇班岱擊敗明兵賜良馬尋與諸王更番圍錦州六年洪承疇以十三萬人援錦州博洛偕阿濟格擊之至塔山獲



筆架山積粟又偕羅洛渾等設伏阿爾齊堡擊敗明將王樸吳三桂順治元年從入關破李自成進貝勒從多鐸征河南二年破自成潼關多鐸南征下江寧分師之半授博洛下常州蘇州趨杭州屢敗明兵師臨錢塘江岸明兵以爲江湖方盛營且沒會潮連日不至明潞王常汭以杭州降淮王常清亦自紹興降克嘉興徇吳江破明將吳易攻江陰亦下師還賜金二百銀萬五千鞍馬一三年命爲征南大將軍率師駐杭州明魯王以海監國紹興明將方國安營錢塘江東亘二百里師無舟會江沙暴漲固山額真圖賴等督兵徑涉國安驚遁以海走台州師入紹興進克金華擊殺明蜀王盛濃等再進克衢州浙江平明唐王聿鍵據福建博洛率師破仙霞關克浦城建寧延平聿鍵走汀州遣阿濟格尼堪努山等率師從之克汀州擒聿鍵及曲陽王盛渡等明將姜正希以二萬人夜來襲擊之却斬萬餘級又破敵分水關克崇安梅勒額真卓布泰等克福州斬所置巡撫楊廷清等降其將鄭芝龍等二百九十餘人馬步兵十一萬有奇師復進下興化漳州泉州諸府十一月遣昂邦章京佟養甲徇廣東克潮州

惠州廣州擊殺明唐王聿錫及諸王世子十餘人承制以養甲爲兩廣總督四年師還進封端重郡三五年以所獲金幣人口資焉借阿濟格防喀爾喀徇大同討叛將姜瓖六年正月偕碩塞援代州克其郭三月瓖將馬得勝以五千自北山逼我師博洛率千餘騎應之與巴牙喇囊章京鰲拜等奮擊大破之斬馘過半瓖閉城不敢出睿親王多爾袞自京師至軍議撫承制進親王命爲定西大將軍移師汾州下清源交城文水徐溝祁諸縣戰平陽絳州又遣軍克孝義戰絳陽平遙遼州榆次屢捷英親王阿濟格敬謹親王尼堪圖大同翼親王滿達海謙郡王瓦克達定朔州寧武召博洛還京師疏言太原平陽汾州所屬諸縣雖漸次收復然未下者尙多恐撤軍後賊乘虛襲踞請仍留守禦上從之瓖既誅與滿達海合軍克汾州復嵐永寧二縣戰絳州孟城驛老君廟諸地盡殲瓖餘黨乃還師七年偕滿達海尼堪圖理六部事再坐事降郡王世祖親政復爵尊尙掌戶部九年三月薨諡曰定子齊克新襲十六年追論博洛分多爾袞遺財又掌戶部時尙書譚泰逞私攬權不力阻奪爵諡齊克新降貝勒十八年

卒諡懷思無子爵除博洛子者爾納封郡王卒諡敏思坐博洛罪追奪爵悼愍貝子蘇布圖阿巴奏孫父尙建追封貝子諡賢愍蘇布圖初封輔國公順治二年從勒克德渾攻江甯移師征湖廣三年從定荊州襄陽有功賜金五十銀千進貝子五年復從濟爾哈朗徇湖廣卒於軍諡悼愍子顏齡封鎮國公卒無子爵除蘇布圖弟強度封貝子諡介潔亦不襲

鎮國恪僖公巴布泰太祖第九子天命十年偕阿拜塔拜伐東海北路呼爾哈部有功十一年命理正黃旗事天聰四年從阿敏駐永平明兵攻灤州巴布泰不能禦坐罷八年授梅勒額真從伐明克保安州巴布泰匿所獲不以聞復坐罷崇德六年授三等奉國將軍順治元年從入關遂李自成至慶都二年進一等三年從勒克德渾伐湖廣戰安遠南漳西峰口關王嶺襄陽屢破敵四年進輔國公六年偕務達海討姜瓖進鎮國公十二年正月卒子諡子噶布喇封輔國公祐錫祿襲三等鎮國將軍其後並以奉恩將軍世襲

德格類太祖第十子初授台吉天命六年師略奉集堡將還有一卒指明兵所

在德格類借岳託碩託進擊之擊收明將李秉誠復借台吉寨桑古閱三岔河橋至海州城中官民張樂昇輿迎德格類等令軍士毋擾民毋奪財物毋宿城上毋入民居翌日遣視三岔河者還報橋毀無舟楫乃還八年借阿巴泰伐喀爾喀扎魯特部十一年復從代善伐扎魯特部天聰三年借濟爾哈朗略錦州焚其積聚叙功進和碩貝勒五年初設六部掌戶部事從圍大凌河德格類率師策應擊破明監軍道張春十月祖大壽降借阿巴泰等僞爲明軍襲錦州擊斬甚衆六年借濟爾哈朗等略歸化城復借岳託略地自耀州至蓋州迤南七年攻克旅順口八年從伐明撫定蒙古來歸人戶克獨石口攻赤城未拔入保安州會師應州還九年十月卒上臨其喪痛悼之漏盡三鼓乃還設帳坐其中徹饌三日逾月莽古爾泰既卒爲冷僧機所訐以大逆創籍德格類坐同謀追削貝勒子鄧什庫並坐削宗籍德克西克以侍衛從豪格征張獻忠戰死世祖詔其子輝爾食一等阿思哈尼哈番俸子五雲柱授一等阿達哈哈番康熙五十二年聖祖命復宗籍賜紅帶

巴布海太祖第十一子初授牛象章京天聰八年授一等甲喇章京嘗命偕鎮國將軍阿拜祭陵巴布海不待阿拜先往祭牛未至取民牛代以祭牛僨民民以小不受訟焉對銀三十僨民又不與再訟巴布海聞上上責其愚黯且謂其受制於妻妻楊古利女也崇德四年授梅勒額真封鎮國將軍七年巴布海語固山額真譚泰曰願罷我梅勒額真堪爲梅勒額真者多於草木譚泰語折之誓曰若口與心違者天日鑒之圖海奉命差擇牛象貧富巴布海曰我所領牛象甚富語聞巴布海曰我非太祖之子歟譚泰等願厚誣我廷鞠皆實罪當死上寬之但奪爵世祖卽位有爲飛書訐譚泰者投一等公塔瞻第鞠其僕謂得之巴布海家內監逮訊不承巴布海及其妻並子阿喀喇皆坐死籍其家予譚泰順治九年譚泰誅乃以其孥及遺產昇巴布泰

阿濟格太祖第十二子初授台吉天命十年從貝勒莽古爾泰伐察哈爾至農安塔十一年偕台吉碩託伐喀爾喀巴林部復從貝勒代善伐扎魯特皆有功授貝勒天聰元年偕貝勒阿敏伐朝鮮克五城從上伐明偕莽古爾泰衛塔山

糧運會師錦州薄寧遠明兵千餘人爲車營掘濠前列火器阿濟格擊殲之總兵滿桂出城陳上欲進擊諸貝勒以距城近諫不可獨阿濟格請從上督阿濟格馳擊明騎兵至城下諸貝勒皆慚奮不及冒亦進擊其步軍明兵死者大半二年以擅主弟多鐸婚創爵尋復之三年偕濟爾哈朗略明錦州寧遠焚其積聚俘三千復從上伐明克龍井關下漠兒莊城克洪山口進次遵化擊斬明總兵趙率教薄明都袁崇煥祖大壽以兵二萬赴援屯廣渠門外師逐之迫壕阿濟格馬創乃還尋偕阿巴泰等略通州至張家灣尋從上閱薊州遇明山海關援兵阿濟格偕代善突入敵陳大破之四年復從伐明趙廣寧會師大凌河夜圍錦州明兵襲阿濟格營霧不見人阿濟格嚴陣待青氣降霧豁若門闕急縱擊獲明裨將一甲械及馬二百餘上酌金卮親勞之授圍城方略尋聞明增兵上命揚古利率八旗巴牙喇兵之半以益軍大壽弟大弼逐我軍中偵騎近上前上環甲與戰阿濟格馳至明兵步騎還出奮擊却之斬明裨將一上以所統兵付阿濟格明監軍道張春援至又戰于大凌河截殺過半逐北四十里六年

從伐察哈爾林丹汗遁上移師伐明令阿濟格統左翼及蒙古兵略大同宣府盡得張家口所貯犒邊財物七年城通遠堡迎降將孔有德拒明及朝鮮兵詔問攻明及朝鮮察哈爾三者何先阿濟格言當攻明偕阿巴泰略山海關詔責其不深入阿濟格言臣欲息馬候糧諸貝勒不從上曰汝果堅不還諸貝勒將棄汝行乎八年從伐明克保安拔靈邱崇德元年進武英郡王偕饒餘貝勒阿巴泰及揚古利伐明自雕鶚堡入長安嶺薄延慶越保定至安州克昌平定興安肅寶坻東安雄順義容城文安諸縣五十六戰皆捷俘人畜十餘萬又遣固山額真譚泰等設伏斬遵化三屯守將獲馬百四十餘得優旨賜鞍馬一師還上迎勞地載門外十里見阿濟格勞瘁爲淚下親酌金卮勞之上伐朝鮮命守牛莊二年碩託攻皮島未下阿濟格督所部水陸並進克之上遣使褒勞四年從伐明阿濟格揚言欲以紅衣礮攻臺守者懼四里屯張剛屯寶林寺旺民屯于家屯成化峪道爾彰諸臺俱下尋還守塔山連山俘人馬千計復偕阿巴泰略錦州寧遠六年偕濟爾哈朗圍錦州守郭蒙古台吉吳巴什等議舉城降祖

大壽覺之擊蒙古兵阿濟格夜登陣助戰明兵敗徙蒙古降者于義州屢擊敗明兵賜銀四千洪承疇率諸將王樸吳三桂等援錦州號十三萬上親視師營松山明兵奔塔山阿濟格追擊之獲筆架山積粟又偕多爾袞克敵臺四擒明將王希賢等樸三桂僅以身免明兵猶守錦州松山杏山高橋諸地上還盛京命阿濟格偕杜度多鐸等圍之承疇夜出松山襲我軍阿濟格等督衆環射之明兵敗還城閉不得入其衆二千皆降七年圍杏山遣軍略寧遠三桂以四千人駐塔山高橋不戰而退縱兵四擊又迭敗之八年復偕濟爾哈朗攻寧遠軍城北布雲梯發礮城圯克之抵前屯衛攻城西斬馘四千餘明總兵黃色棄城遁復克之順治元年從入關破李自成進英親王賜鞍馬二命爲靖遠大將軍自邊外入陝西斷自成歸路八戰皆勝克城四降城三十八時自成爲多鐸所敗棄西安走商州詔多鐸趨淮揚而命阿濟格率師討自成自成南走衆尙二十萬規取南京阿濟格以師從之及於鄧州復南至承天德安武昌富池口桑家口九江屢破敵自成走死斬其將劉宗敏俘宋獻策宗敏自成驍將獻策自



成所倚任號軍師者也明將左良王子夢庚方駐軍九江師至執總督袁繼成等率馬步兵十萬舟數萬詣軍門降是役凡十三戰下郡縣河南十二湖廣三十九江西南皆六捷聞上使赴軍慰勞詔曰王及行間將士馳驅跋涉懸崖峻嶺深江大河萬有餘里勞苦功高寇氛旣靖宜卽班師其招撫餘兵或留或散王與諸大臣商榷行之詔未至阿濟格率師還京師睿親王多爾袞責阿濟格不候詔班師又自成未死時先以死聞遣人數其罪又在午門張蓋坐召而斥之復議方出師時脅宣府巡撫李鑑釋逮問赤城道朱壽鋆及擅取鄂爾多斯土默特馬降郡王尋復之五年勦天津曹縣土寇十一月率師駐大同姜瓖叛督兵討之旋命爲平西大將軍率固山額眞巴顏等討瓖六年瓖將劉遷犯代州遣博洛赴援圍乃解多爾袞至大同視師時阿濟格兩福晉病卒命歸視阿濟格曰攝政王躬攝大政爲國不遑吾敢以妻死廢國事阿濟格自以功多告多爾袞曰輔政德豫親王征流寇至慶都潛身僻地破潼關西安不殲其衆追騰機思不取功績未著不當優異其子鄭親王乃叔父之子不當稱叔王子

乃太祖之子皇帝之叔宜稱叔王多爾袞斥其妄令勿預部務及交接漢官尋復偕輩阿岱攻大同會降將楊振威斬壞降墮其城睥睨五尺乃還八年五月多爾袞薨于喀喇城阿濟格赴喪次諸王夜臨獨不至召其子郡王勞親以兵脅多爾袞所屬使附己喪還上出迎阿濟格不去佩刀勞親兵至阿濟格張蠶與合軍多爾袞左右訐阿濟格欲爲亂鄭親王濟爾哈朗等遣人于路監之還京師議削爵幽禁逾月復議繫別室籍其家諸子皆黜爲庶人十月監守者告阿濟格將于繫所舉火賜死阿濟格子十一有爵者三和度傅勒赫勞親和度封貝子先卒勞親與阿濟格同賜死傅勒赫初封鎮國公坐奪爵削宗籍十八年諭傅勒赫無罪復宗籍康熙元年追封鎮國公子構華綽克都並封輔國公綽克都事聖祖從董額討王輔臣守漢中攻秦州師無功授盛京將軍又以不稱職奪爵上錄阿濟格功以其子普照仍襲輔國公坐事奪爵以其弟經照仍襲輔國公雍正間普照亦以軍功復爵卒世宗諭曰普照軍前効力且其兄女爲年羹堯妻故特予封爵今羹堯負恩誅死此爵不必承襲居數年經照亦坐

事奪爵普照經照皆能詩乾隆四十三年命阿濟格之裔皆復宗籍經照子孫遞降以奉恩將軍世襲

輔國介直公賴慕布太祖第十三子天聰八年授牛錄章京崇德四年與議政七年從阿濟格伐明敗寧遠兵上御篤恭殿賚師阿濟格不待賞先歸賴慕布坐不勸阻奪職能議政順治二年封奉恩將軍三年卒十年五月追封諡子來祐襲累進輔國公坐事奪爵高宗以其孫扎昆泰襲奉恩將軍一傳命停襲

清史稿

列傳五

諸王四

太祖諸子三

睿忠親王多爾袞

豫通親王多鐸

子 國 信 宜 和 昭 王 多 尼 多 尼 信 昭 王 信 昭 王 鄂 札

費揚果

睿忠親王多爾袞太祖第十四子初封貝勒天聰二年太宗伐察哈爾多羅特部破敵於敖穆楞多爾袞有功賜號墨爾根代青三年從上自龍井關入明邊與貝勒莽古爾泰等攻下漢兒莊趨通州薄明都敗袁崇煥祖大壽援兵於廣渠門外又殲山海關援兵於薊州四年引還多爾袞與莽古爾泰先行復破敵五年初設六部掌吏部事從上圍大凌河戰多爾袞陷陣明兵墮壕者百餘城上礮矢發將士有死者上切責諸將不之阻祖大壽約以錦州獻多爾袞與阿巴泰等以兵四千僞裝從大壽作潰奔狀襲錦州錦州兵迎戰擊敗之事具阿

巴泰傳六年五月從征察哈爾七年六月詔問征明及朝鮮察哈爾三者何先  
多爾袞言宜整兵馬乘穀熟時入邊圍燕京截其援兵毀其屯堡爲久駐計可  
坐待其敝八年五月從上伐明克保安略朔州九年上命偕岳託等將萬人招  
察哈爾林丹汗子額哲師還渡河多爾袞自平魯衛至朔州毀甯武關略代州  
忻州崞縣黑峰口及應州復自歸化城携降衆還林丹汗得元玉璽曰制誥之  
寶多爾袞使額哲進上羣臣因表上尊號崇德元年進封睿親王武英郡王阿  
濟格等率師伐明命王偕多鐸攻山海關綴明師阿濟格捷至乃還從伐朝鮮  
偕豪格別從寬甸入長山口克昌州進攻江華島克之獲朝鮮王妃及其二子  
國王李倬請降上還盛京命約束後軍携朝鮮質子溁溁及大臣子以歸三年  
上伐喀爾喀王留守築遼陽都爾彌城城成命曰屏城復治盛京至遼河大道  
八月命爲奉命大將軍將左翼岳託將右翼伐明自董家口毀邊牆入約右翼  
兵會通州河西務越明都至涿州分兵八道行略地至山西南徇保定擊破明  
總督盧象昇遂趨臨清渡運河破濟南還略天津遷安出青山關克四十餘城

降六城俘戶口二十五萬有奇賜馬五銀二萬五年屯田義州克錦州城西九臺刈其禾又克小凌河西二臺迭敗明兵杏山松山間圍錦州王貝勒移營去城三十里又令每旗一將校率每牛象甲士五人先歸上遣濟爾哈朗代將傳諭詰責對曰臣以敵兵在錦州松山杏山三城皆就他處牧馬若來犯可更番抵禦是以遣人歸牧治甲械舊駐地草盡臣倡議移營就牧罪實在臣上復使諭曰朕愛爾過於羣子弟錫予獨厚今違命若此其自讓之王自言罪當死上命降郡王罰銀萬奪二牛象六年復圍錦州洪承疇率十三萬人屯松山王屢擊之以敵衆請濟師上自將疾馳六日次戚家堡將屯高橋王請上駐松山杏山間分兵屯烏欣河南山豆海爲營明兵屢却復前上張黃蓋指揮明兵引退王偕洛託等趨塔山道橫擊之明兵多死者遂發礮克塔山外四臺擒王希賢等尋以貝勒杜度等代將王暫還復出七年下松山獲承疇克錦州大壽復降進克塔山杏山乃墮三城師還敘功復親王八年太宗崩王與諸王貝勒大臣奉世祖即位諸王貝勒大臣議以鄭親王濟爾哈朗與王同輔政誓曰有不秉

公輔理妄自尊大者天地譴之郡王阿達禮貝子碩託勸王自立王發其謀誅  
阿達禮碩託尋與濟爾哈朗議罷諸王貝勒管六部事順治元年正月却朝鮮  
餽遣告濟爾哈朗及諸大臣曰朝鮮國王因子取江華全其妻子常以私餽遣  
先帝時必聞而受之今輔政誼無私交不當受因並禁外國餽諸王貝勒者濟  
爾哈朗諭諸大臣凡事先白王書名亦先之王由是始專政固山額真何洛會  
等計肅親王豪格怨望集議劾爵大臣揚善等以諂附坐死四月乙丑上御篤  
恭殿授王奉命大將軍印並御用纛蓋勅便宜行事率武英郡王阿濟格豫郡  
王多鐸及孔有德等伐明丙寅發盛京壬申次翁後明平西伯吳三桂自山海  
關來書乞師王得書移師向之癸酉次西拉塔拉答三桂書曰我國欲與明修  
好屢致書不一答是以整師三入蓋示意於明欲其熟籌通好今則不復出此  
惟底定中原與民休息而已聞流賊陷京都崇禎帝慘亡不勝髮指用率仁義  
之師沈舟破釜誓必滅賊出民水火伯思報主恩與流賊不共戴天誠忠臣之  
義勿因向守遼東與我爲敵尙復懷疑昔管仲射桓公中鉤桓公用爲仲父以

成霸業伯若率衆來歸必封以故土晉爲藩王國讐可報身家可保世世子孫長享富貴丁丑次連山三桂復遣使請速進夜踰甯遠抵沙河戊寅距關十里三桂報自成兵已出邊王令諸王逆擊敗李自成將唐通於一片石己卯至山海關三桂出迎王慰勞之令所部以白布擊肩爲識先驅入關時自成將二十餘萬人自北山列陣橫亘至海我兵陳不及海岸王令曰流賊橫行久獷而衆不可輕敵吾觀其陣大首尾不相顧可集我軍鱗比伺敵陣尾待其衰擊之必勝努力破此大業成矣勿違節制既成列令三桂居右翼後搏戰大風揚沙咫尺不能辨力鬪良久師譟風止自三桂陣右突出擣其中堅馬迅矢激自成登高望見奪氣策馬走師無不一當百追奔四十里自成潰遁王即軍前承制進三桂爵平西王下令關內軍民皆薙髮以馬步兵各萬人屬三桂追擊自成乃誓諸將曰此行除暴救民滅賊以安天下勿殺無辜掠財物焚廬舍不如約者罪之自關以西百姓有逃竄山谷者皆還鄉里薙髮迎降辛巳次新河驛使奏捷師遂進途中明將吏出降命供職如故五月戊子朔師次通州自成先一日



焚宮闕載輜重而西王令諸王偕三桂各率所部追之己丑王整軍入京師明將吏軍民迎朝陽門外設鹵簿請乘輦王曰予法周公輔沖王不當乘輦以周公嘗負扈固請乃命以鹵簿列王儀仗前奏樂拜天復拜闕乘輦升武英殿明將吏入謁呼萬歲下令將士皆乘城毋入民舍民安堵如故爲崇禎帝發喪三日具帝禮葬之諸臣降者仍以明官治事武英郡王阿濟格遂自成至慶都大破之獲其輜重自成西奔又令固山額真譚泰準塔等率巴牙喇兵追至真定自成敗走王再遣使奏捷上遣學士詹霸侍衛巴泰齎敕慰勞畿輔諸府縣先後請降分遣固山額真巴哈納石廷柱賂山東葉臣定山西諸省金礦等安撫天津王初令官民皆薙髮繼聞拂民願諭綏之令戒飭官吏網羅賢才收恤都市貧民用湯若望議釐正厯法定名曰時憲厯復令曰養民之道莫大於省刑罰薄稅歛自明季禍亂刁風日競設機搆訟敗俗傷財心竊痛之自今咸與維新凡五月初二日昧爽以前罪無大小悉行宥免違諭訐訟以所告罪罪之關毆田婚細故就有司告理重大者經撫按結案非機密要情毋許入京越訴訟

師誣陷良民加等反坐前朝弊政莫如加派遼餉之外復有勦餉練餉數倍正供遠者二十年近者十餘年天下嗷嗷朝不及夕更有召買糧料諸名目巧取殃民今與民約額賦外一切加派盡予刪除官吏不從察實治罪六月遣輔國公屯齊喀喀託固山額真何洛會等迎上定都燕京明福王由崧稱帝江甯遣其大學士史可法督師揚州設江北四鎮沿淮徐置戍王致書可法曰予向在濟陽即知燕京物望咸推司馬後入關破賊得與都人士相接誠介弟於清班曾託其手勸平安卒致衷緒未審以何時得達比聞道路紛紛多謂金陵有自立者夫君父之讐不共戴天春秋之義有賊不討則故君不得書葬新君不得書即位所以防亂臣賊子法至嚴也闖賊李自成稱兵犯闕手毒君親中國臣民不聞加遣一矢平西王吳三桂介在東陲獨效包胥之哭朝廷感其忠義念累世之宿好棄近日之小嫌爰整貔貅驅除狗鼠入京之日首崇帝后設號卜葬山陵悉如典禮親郡王將軍以下一仍故封不加改創勦賊文武諸臣咸在朝列恩禮有加耕市不驚秋毫無擾方擬秋高氣爽遣將西征傳檄江南聯兵

河朔陳師鞠旅戮力同心報乃君國之讐彰我朝廷之德豈意南州諸君子苟安旦夕弗審事機聊慕虛名顧忘實害予甚惑之國家撫定燕都得之於闖賊非取之於明朝也賊毀明朝之廟主辱及先人我國家不憚征繕之勞悉索敝賦代爲雪恥孝子仁人當如何感恩圖報茲乃乘逆寇稽誅王師暫息遂欲雄據江南坐享漁人之利揆諸情理豈可謂平將以爲天塹不能飛渡投鞭不能斷流耶夫闖賊但爲明朝崇耳未嘗得罪於我國家也徒以薄海同讐特伸大義今若擁號稱尊便是天有二日儼爲勅敵予將簡西行之銳轉旆東征且擬釋彼重誅命爲前導夫以中華全力受制潢池而欲以江左一隅兼支大國勝負之數無待籌龜矣予聞君子之愛人也以德和人則以姑息諸君子果識時知命篤念故主厚愛賢王宜勸令削號歸藩永綏福祿朝廷當待以虞賓統承禮物帶礪山河位在諸王侯上庶不負朝廷伸義討賊興滅繼絕之初心至南州羣彥翩然來儀則爾公爾侯列爵分土有平西之典例在惟執事實圖利之晚近士大夫好高樹名義而不顧國家之急每有大事輒同筭舍昔宋人議論

未定兵已渡河可爲殷鑒先生領袖名流主持至計必能深惟終始甯忍隨俗  
浮沉取舍從違應早審定兵行在即可西可東南國安危在此一舉願諸君子  
同以討賊爲心毋貪一身瞬息之榮而重故國無窮之禍爲亂臣賊子所竊笑  
予實有厚望焉記有之惟善人能受盡言敬布腹心佇聞明教江天在望延歧  
爲勞書不宣意可法旋遣人報書語多不屈京師民訛言秋七八月將東遷王  
宣諭當建都燕京戒民毋信流言搖惑又訛言八月屠民未幾又訛言上至京  
師將縱東兵肆掠盡殺老壯止存孩赤王復宣諭曰民乃國之本爾曹旣誠心  
歸服復以何罪而戮之爾曹試思今上携將士家屬不下億萬與之俱來者何  
故爲安燕京軍民也昨將東來各官內命十餘員爲督撫司道等官者何故爲  
統一天下也已將盛京帑銀取至百餘萬後又轉運不絕者何故爲供爾京城  
內外兵之用也且予不忍山陝百姓受害發兵追剿猶恨未能速定豈能不愛  
京城軍民反行殺戮此皆衆所目擊何故妄布流言是必近京土寇流賊間諜  
有意煽惑搖動已諭各部嚴捕通行曉諭以安衆心九月上入山海關王率諸

王羣臣迎於通州上至京師封爲叔父攝政王賜貂蟒朝衣十月乙卯朔上即位以王功高命禮部尙書郎球侍郎藍拜啓心卽渥赫建碑紀績加賜冊寶黑狐冠一上飾東珠十三黑狐裘一副以金銀馬駝二年鄭親王等議上攝政王儀制視諸王有加禮王曰上前未敢違禮他可如議翌日入朝諸臣跪近命還輿責大學士剛林等曰此上朝門諸臣何故跪我御史趙開心疏言王以皇叔之親兼攝政王之尊臣民甯肯自外於拜舞第王恩皆上恩羣臣謁王正當限以禮數與朝見不同庶諸臣不失尊王之意亦全王尊上之心上稱叔父攝政王王爲上叔父惟上得稱之若臣庶宜於叔父上加皇字庶辨上下尊體制下禮部議行其年六月豫親王克揚州可法死之遂破明南都閏六月英親王逐李自成至武昌東下九江故明南甯侯左良玉子夢庚率衆降江南底定十月上賜王馬王入謝詔曰遇朝賀大典朕受王禮若小節勿與諸王同王對曰上方幼沖臣不敢違禮待上親政凡有寵恩不敢辭王時攝政久位崇功高時誠諸臣尊事主上曰俟上春秋鼎盛將歸政焉初肅親王怨王不立已有郅英豫

二王與王同母王視豫親王厚每寬假之豫親王之征蘇尼特也王送之出安定門及歸迎之烏蘭諾爾集諸大臣語以豫親王功懋宜封輔政叔王因罷鄭親王輔政以授豫親王肅親王既平四川王攝其微罪置之死四年十二月王以風疾不勝跪拜從諸王大臣議獨賀正且上前行禮他悉免五年十一月南郊禮成敕詔曰叔父攝政王治安天下有大勛勞宜加殊禮以崇功德尊爲皇父攝政王凡詔疏皆書之六年二月自將討大同叛將姜瓖拔渾源聞豫親王病痘先歸諭瓖降未下以帥行在外歸行在印禁諸王及內大臣干預部院政事及漢官升降不論所言是非皆治罪七月復征大同瓖將楊振威斬瓖降十月移師討喀爾喀二楚呼爾微敖漢扎魯特察哈爾烏喇特土默特四子部落以兵來會至喀屯布拉克不見敵乃還十二月王妃博爾濟吉特氏薨以冊寶追封爲敬孝忠恭正宮元妃七年正月王納肅王福金福金妃女弟也復徵女朝鮮令部事不須題奏者付巽親王滿達海端重親王博洛敬謹親王尼堪料理五月率諸王貝勒獵於山海關朝鮮送女至王迎於連山成婚復獵於中後

所召隨從官員勒行列不整罰鍰有差七月諭以京城當夏海暑不可堪擇地築城避暑令戶部加派直隸山西浙江山東江西南湖廣江西陝西九省地丁銀二百四十九萬兩有奇輸京師備工用八月王尊所生母太祖妃烏喇納拉氏爲孝烈恭敏獻哲仁和贊大儼聖武皇后附太廟尋有疾語貝子錫翰內大臣席納布庫等曰子稚此大戚體復不快上雖人主獨不能循家人禮一臨幸乎謂上幼沖爾等皆親近大臣也既又戒曰毋以子言請上臨幸錫翰等出追止之不及上幸王第王因責錫翰等議罪當死旋命賁之十一月復獵於邊外十二月薨於喀喇城年三十九上聞之震悼喪還率王大臣縞服迎奠東直門外詔追尊爲懋德修道廣業定功安民立政誠敬義皇帝廟號成宗明年正月尊妃爲義皇后附太廟王無子以豫親王子多爾博爲後襲親王俸視諸王三倍詔留護衛八十員又以王近侍蘇克薩哈詹岱爲議政大臣二月蘇克薩哈詹岱訐告王薨時其侍女吳爾庫尼將殉請以王所製八補黃袍大東珠素珠黑貂袿置棺內王在時欲以兩固山駐永平謀篡大位固山額真譚泰亦言

王納肅王福金復令肅王子至第較射何洛會以惡言冒之於是鄭親王濟爾哈朗罪親王滿達海端重親王博洛敬謹親王尼堪及曰大臣等疏言昔太宗文皇帝龍馭上賓諸王大臣共矢忠誠頌戴皇上方在沖年令臣濟爾哈朗與睿親王多爾袞同輔政逮後多爾袞獨擅威權不令濟爾哈朗預政遂以母弟多鐸爲輔政叔王背誓肆行妄自尊大自稱皇父攝政王凡批票本章一以皇父攝政王行之儀仗音樂侍從府第僭擬至尊擅稱太宗文皇帝序不當立以袂制皇上構陷威逼使肅親王不得其死遂納其妃且收其財產更悖理入生母於太廟僭妄不可枚舉臣等從前畏威吞聲今冒死奏聞伏願重加處治詔削爵撤廟享並罷孝烈武皇后諡號廟享黜宗室籍財產入官多爾博歸宗十二年吏科副理官彭長庚一等精奇尼哈番許爾安各疏頌王功請復爵號下王大臣議長庚爾安坐論死詔流寧古塔乾隆三十八年高宗詔曰睿親王多爾袞攝政有年威福自專歿後其屬人首告定罪除封第念定鼎之初王實統衆入關肅清京輦檄定中原前勞未可盡泯今其後嗣廢絕瑩域榛蕪殊堪憫



制交內務府派員繕書並令近支王公以時祭掃四十二年正月又詔曰睿親王多爾袞掃蕩賊氛肅清宮禁分遣諸王追殲流寇撫定疆陲創制規模皆所經營尊奉世祖重駕入都成一統之業厥功最著歿後爲蘇克薩哈所搆首告誣以謀逆其時世祖尙在沖齡未嘗親政經諸王定罪除封朕念王果萌異志兵權在握何事不可爲乃不於彼時因利乘便直至身後始以歛服僭用龍衮證爲覬覦有是理乎實錄載王集諸王大臣遣人傳語曰今觀諸王大臣但知媚予鮮能尊上予豈能容此昔太宗升遐嗣君未立英王豫王跪請予卽尊予曰若果如此言予卽當自刎誓死不從遂奉今上卽位似此危疑之日以予爲君子尙不可今乃不敬上而媚予予何能容自今後有忠於上者予用之愛之其不忠於上者雖媚予予不爾宥且云太宗恩育予躬所以特異於諸子弟者蓋深信諸子弟之成立惟予能成立之朕每覽實錄至此未嘗不爲之墮淚則王之立心行事實爲篤忠盡感厚恩明君臣大義乃由宵小奸謀搆成冤獄豈可不爲之昭雪宜復還睿親王封號追諡曰忠配享太廟依親王園寢制修其

瑩墓令太常寺春秋致祭其爵世襲罔替多爾博歸宗封貝勒命仍還爲王後以其五世孫輔國公淳穎襲爵四世祖鎮國公博爾發曾祖輔國公塞勒祖輔國恪勤公功宜布先已進封信郡王至是與淳穎父信恪郡王如松並追封睿親王嘉慶五年淳穎薨諡曰恭子寶恩襲七年五月薨諡曰慎弟瑞恩襲道光六年薨諡曰勤子仁壽襲道光九年上巡盛京謁陵追念忠王推恩賜三眼花翎同治三年薨諡曰倍子德長襲光緒二年薨諡曰愍子魁斌襲

豫通親王多鐸太祖第十五子初封貝勒天聰二年從太宗伐多羅特部有功賜號額爾克楚呼爾三年從上伐明自龍井關入偕莽古爾泰多爾袞以偏師降漢兒莊城會大軍克遵化薄明都廣渠門之役多鐸以幼留後明潰兵來犯擊却之師還次薊州復擊破明援兵五年從圍大凌河城爲正白旗後應克近城臺堡明兵出錦州屯小凌河岸上率二百騎馳擊明兵走多鐸逐之薄錦州墜馬馬逸入敵陣乃奪軍校馬乘以還六年從伐察哈爾將右翼兵俘其衆千餘七年詔問征明及朝鮮察哈爾三者何先多鐸言我軍非怯於戰鬪但止攻

關外豈可必得夫攻山海關與攻燕京等攻耳臣以爲宜直入關庶廢士卒望亦久遠計也且相機審時古今同然我軍若弛而敵有備何隙之可乘吾何愛於明而必言和亦念士卒勞苦姑爲委蛇倘時可乘何待再計至察哈爾且勿加兵朝鮮已和亦勿遽絕當先圖其大者八年從上略宣府自巴顏珠爾克進尋攻龍門未下趨保安克之謁上應州復略朔州經五臺山還敗明兵大同九年上遣諸貝勒伐明徇山西命多鐸率師入甯錦綴明師遂自廣甯入遣固山額眞阿山石廷柱率兵四百前驅祖大壽合錦州松山兵三千五百屯大凌河西多鐸率所部馳擊之大壽兵潰命分道追擊一至錦州一至松山斬獲無算翼日克臺一還駐廣寧師還上出懷遠門五里迎勞賜良馬五甲上嘉之曰朕幼弟初專閫即能制勝是可嘉也崇德元年四月封豫親王掌禮部事從伐朝鮮自沙河堡領兵千人繼噶布什賢兵至朝鮮都城朝鮮全羅忠清二道援兵至南漢山多鐸擊敗之收其馬千餘楊古利爲殘兵所賊捕得其人斬以祭三年伐錦州自蒙古托袞博倫界分率巴牙喇及土默特兵入明境克大興堡

俘其居民道遇明諜擒之詔與鄭親王濟爾哈朗軍會徑中後所大壽以兵來  
襲我軍傷九人亡馬三十多鐸且戰且走夜達鄭親王所合師薄中後所城上  
統師至敵不敢出四年五月上御崇政殿召多鐸戒諭之數其罪下諸王貝勒  
大臣議削爵奪所屬入官上命降貝勒爵銀萬奪其奴僕牲畜三之一予睿親  
王多爾袞尋命掌兵部十月伐寧遠擊斬明總兵金國鳳五年三月命與鄭親  
王濟爾哈朗率師修義州城駐兵屯田並擾明山海關外毋使得耕稼五月上  
臨視附明蒙古多羅特部蘇班岱降上命偕鄭親王以兵迎之經錦州杏山明  
兵來追奮擊敗之賜御底良馬一圍錦州夜伏兵桑阿爾齊堡旦敵至敗之追  
至塔山斬八十餘級獲馬二十六年三月復圍錦州環城立八營鑿壕以困之  
大壽城守蒙古將諾木齊約降師縋以入擊大壽挈降者出置之義州明援兵  
自杏山至松山多鐸與鄭親王率兩翼兵伏錦州南山西岡及松山北嶺縱噴  
布什賢兵誘敵夾擊大敗之洪承疇以十三萬援錦州上自盛京馳六日抵松  
山環城而營明兵震怖宵遁多鐸伏兵道旁明總兵吳三桂王樸自杏山奔寧

遠我軍追及於高橋伏發三桂等僅以身免嗣與諸王更番圍松山屢破敵七年二月明松山副將夏承德遣人通款以其子舒爲質約內應夜半我軍梯而登獲承疇及巡撫邱民仰等敘功進豫郡王復布屯寧遠邊外綴明師俘獲甚夥順治元年四月從睿親王多爾袞入關破李自成進親王命爲定國大將軍南征定懷慶進次孟津遣巴牙喇蘇章京圖賴率兵先渡自成守將走沿河十五寨堡皆降再進次陝州克靈寶再進距潼關二十里自成兵據山列營囑布什賢噶喇依昂邦努山及圖賴鄂碩等擊破之二年正月自成親率步騎迎戰師奮擊殲其步卒騎卒奔潰及夜屢犯屢北鑿重壕立堅壁師進發巨礮迭戰自成兵三百騎衝我師貝勒尼堪貝子尙善等躍馬夾擊屢破敵壘戶滿壕塹械冑彌山野自成精銳略盡遁歸西安其將馬世堯率七千人降入潼關獲世堯所遺致自成書斬以徇進次西安自成先五日燬室廬挈子女輜重出藍田口竄商州南走湖廣二月詔以陝西賊付英親王阿濟格趣多鐸自河南趨淮揚師退徇南陽開封趨歸德諸州縣悉降所至設官吏安集流亡詔褒多鐸功

賜嵌珠佩刀鍍金鞵帶四月師進次泗州渡淮趨揚州遣兵部尙書漢岱等先驅得舟三百餘圍七日克之殺明大學士史可法五月師再進次揚子江北岸明將鄭鴻逵等以水師守瓜洲儀真師列營相持造船二百餘遣固山額真拜音圖將水師薄南岸復遣梅勒額真李率泰護諸軍渡江明福王由崧走太平師再進明忻城伯趙之龍等率文武將吏籍馬步兵二十三萬有奇使迎師多鐸至南京承制受其降撫輯遺民遣貝勒尼堪貝子屯齊徇太平追擊明福王福王復走蕪湖圖賴等邀之江口擊殺明將黃得功獲福王捷聞上遣侍臣慰勞明潞王常沅守杭州遣貝勒博洛率師討之潞王降江浙底定多鐸承制改南京爲江南省疏請授江南安慶巡撫以下官別遣精奇尼哈番吳兆勝徇廬江和州並下詔遣貝勒勒克德渾代鎮江南召多鐸還京師上幸南苑行郊勞禮進封德豫親王賜黑狐冠紫貂朝服金五千銀五萬馬十鞍二三年命爲揚威大將軍偕承澤郡王碩塞討蘇尼特部騰機思騰機特等師至盈阿爾察克山聞騰機思方在衮噶嚕台疾行三晝夜敗之於譟特克山斬台吉茂海渡圖

拉河追至布爾哈圖山斬騰機特子二騰機思孫三盡獲其孥師次扎濟布喇克喀爾喀土謝圖汗遣兵二萬碩雷車臣汗遣兵三萬迎戰我師奮擊逐北三十餘里先後斬級數千俘千餘獲駝千九百馬二萬一千一百牛萬六千九百羊十三萬五千三百有奇師還上出安定門迎勞加賜王鞍馬一四年進封爲輔政叔德豫親王賜金千銀萬鞍馬二封冊增錄功勳六年三月以痘薨年三十六九年三月睿親王旣削爵以同母弟追降郡王康熙十年追諡乾隆四十四年正月詔配享太廟多鐸子八有爵者四多尼董額察尼多爾博費揚古費揚古自三等奉國將軍進封輔國公坐事奪爵信宣和郡王多尼多鐸第一子初封郡王順治六年十月襲豫親王八年改封信親王九年降郡王十五年命爲安遠靖寇大將軍偕平郡王羅科鐸等南征師自湖南入貴州趨安莊衛明將李定國焚盤江口鐵索橋走師以浮橋濟自交水進次松嶺衛擊走明將白文選十六年正月薄雲南會城定國文選挾桂王走永昌遣貝勒尙善以師從之克永昌及騰越上使慰勞賜御衣蟒袍及鞍馬弓矢十七年五月師還遣內

大臣迎勞六月追論雲南誤坐噶布什賢昂邦瑚理布等磨盤山敗績罪罰銀五千十八年正月薨諡曰宣和子鄂札嗣康熙十四年命爲撫遠大將軍討察哈爾布爾尼師次岐爾哈台調知布爾尼屯達祿鄂札令留輜重偕副將軍圖海及梅勒額真吳丹輕騎進布爾尼設伏待命分軍搜山洲伏發師與土默特兵合擊破之布爾尼督兵列火器以拒師奮擊布爾尼大敗復收潰卒再戰又擊殲之獲馬械無算布爾尼以三十騎遁中途爲科爾沁部長沙津射死察哈爾平撫餘黨一千三百餘戶師還上迎勞南苑詔褒功賜金百銀五千尋掌宗人府事二十九年副恭親王常甯備噶爾丹三十五年從上北征領正白旗營三十六年以脩解宗人府四十一年薨以多鐸子董額襲信郡王董額多鐸第三子初封貝勒康熙十三年命爲定西大將軍討叛將王輔臣董額遣將梅勒額真赫業等守鳳翔而率師駐西安詔令進駐蘭州董額未即行上復命嚴守棧道輔臣遣兵毀偏橋斷棧道詔責董額遷延仍趣攻下平涼秦州諸路董額進克秦州禮縣逐敵至西和克清水伏羌復遣安西將軍穆占取鞏昌蘭州亦



下尋與將軍畢力克圖阿密達會師攻平涼久未下十五年命大學士圖海視師改授董額固山額真聽圖海節制十六年二月額真勒三十一年授正藍旗固山額真四十二年襲郡王四十五年薨仍坐前罪不賜卹以鄂札子德昭襲雍正間厯左右宗正乾隆二十七年薨諡曰愍以多鐸五世孫如松襲如松四世祖多爾博多鐸第五子初出爲睿親王多爾袞後多爾袞薨後削爵多爾博歸宗封貝勒多爾博生蘇爾發襲貝子蘇爾發生塞勒塞勒生功宜布皆襲輔國公功宜布生如松厯都統左宗人署兵部尙書領侍衛內大臣綏遠城西安將軍襲爵復授都統右宗正三十五年薨諡曰恪尋以子淳穎襲睿親王追進封具睿親王多爾袞傳功宜布初薨以德昭子修齡襲輔國公授左宗正四十四年復襲豫親王五十二年薨諡曰良子裕豐襲嘉慶十八年林清之變所屬有從亂者坐奪爵弟裕興襲二十五年姦婢婢自殺仁宗諭曰國家法令王公與庶民共之裕興不自愛惜恣意干紀且親喪未滿國服未除罪孰大焉坐奪爵幽禁三年後釋之弟豫全襲道光二十年薨諡曰厚子義道襲厯內大臣左

宗正同治七年薨諡曰愼子本格襲亦歷內大臣左宗正德宗大婚賜四團正龍補服光緒二十四年薨諡曰誠子懋林襲輔國恪僖公察尼多鐸第四子順治十二年封貝勒康熙七年授左宗正十二年吳三桂反從順承郡王勒爾錦南征參贊軍務師次荊州三桂已陷岳州察尼偕將軍尼雅翰舟師進三桂將吳應麒引七萬人自陸路來拒擊却之師次七里山發礮沈其舟十餘方暑還駐荊州十四年佩靖寇將軍印援穀城時南漳興山已陷敵逼彝陵踞鎮荊山掘壕爲寨察尼至彝陵議增舟師斷餉道擊敵牛皮丫口進攻黃連坪焚其積聚取興山十五年三桂移南漳彝陵兵往長沙勒爾錦令察尼還荊州渡江趨石首據虎渡口擊敵太平衝斬三百餘級翼日再出遇伏敗還荊州詔責其無能十七年八月貝勒尙善薨於軍命察尼代爲安遠靖寇大將軍規岳州疏言舟師入湖賊餉將絕宜於湖水涸後圍以木楫立楮列礮以小舟徼巡爲久困計上善其言令副都統關保濟師尋破敵南津港斬千級都統葉儲赫等進攻岳州復破敵萬餘人屢疏請增調水陸軍合圍上皆許之十八年正月三桂將

王度冲陳珀等以舟師降應麟棄城遁復岳州降官吏六百餘兵五千餘獲舟六十五礮六百四十有奇二月安親王岳樂自長沙進取衡州察尼發綠旗兵濟師尋復湘陰安鄉四月命白常德征辰龍關澧州以南諸軍聽調度十九年三月克辰龍關復辰州疏言途中霖雨泥濘士馬須休養詔暫屯沅州六月詔以貝子彰泰率師下雲南察尼勞苦久率滿洲兵還京師吏議退縮罪削爵職籍其家幽禁上念克岳州功命但削爵二十四年授奉天將軍二十七年卒賜祭葬視輔國公諡恪僖

費揚果太祖第十六子太宗時坐罪賜死削宗籍康熙五十二年聖祖命莽古爾泰德格類子孫復宗籍費揚果曾孫三等侍衛尼雅罕呈宗人府請復宗籍宗人府以聞聖祖曰此事朕知之但不詳耳費揚果太祖子太宗時因獲大罪誅死者命復宗籍賜紅帶

清史稿

列傳六

諸王五

太宗諸子

肅武親王豪格

子溫良即王孫機 孫興子延臣

輔國公葉布舒

承澤裕親王碩塞

莊恪親王允祿

鎮國愍厚公高塞

輔國公品級常舒

輔國公韜塞

襄昭親王博穆博果爾

世祖諸子

裕憲親王福全

榮親王

恭親王常甯

純靖親王隆禧

太宗十一子孝莊文皇后生世祖敏惠恭和元妃科爾沁博爾濟吉特氏生第八子懿靖大貴妃阿巴海博爾濟吉特氏生襄親王博穆博果爾元妃鈕祜祿氏生洛博會繼妃烏喇納喇氏生肅親王豪格洛格側妃葉赫納喇氏生承澤親王碩塞庶妃顏扎氏生輔國公葉布舒庶妃納喇氏生鎮國公高塞庶妃伊爾根覺羅氏生輔國公品級常舒庶妃生輔國公額塞洛格洛博會及第八子皆殤無封

肅武親王豪格太宗第一子初從征蒙古董夔察哈爾鄂爾多斯諸部有功授貝勒天命十一年偕貝勒代善等征扎魯特部斬其貝勒鄂齊圖天聰元年敗明兵於錦州復率偏師衛塔山糧運二年偕濟爾哈朗討蒙古固特塔布囊誅之收其衆三年十月偕貝勒莽古爾泰等視通州渡口師游明都豪格迎擊甯錦援兵于廣渠門外敵伏於右豪格以所部當之衝擊至城壕明兵大潰偕岳

託薩哈璘圍永平克香河六年從伐察哈爾移師入明邊略歸化諸路六月進和碩貝勒七年詔問征明與朝鮮察哈爾三者何先疏言征明如徒得錦州餘堅壁不下曠日持久恐老我師宜悉我衆及邊外新舊蒙古從舊道入諭各屯衆以我欲和而彼君不答彼將自怨其主再用更番法俟馬肥益以漢兵巨礮一出甯遠一出舊道夾攻山海關不得則屯兵招諭流賊駐師通州待其懈而擊之朝鮮察哈爾且綏圖焉八月略山海關八年從上自宣府趨朔州豪格偕楊古利毀邊牆分兵自尙方堡入略朔州及五臺山從上視大同擊敗明援兵九年偕多爾袞等收察哈爾林丹汗子額哲抵托里圖定盟還抵歸化城復略山西邊郡毀寧武關入代州忻州崇德元年四月進封肅親王掌戶部事尋坐黨岳託漏上言有怨心降貝勒解任爵銀千旋偕多爾袞攻錦州仍攝戶部又從征朝鮮偕多爾袞別自寬甸入長山口克昌州敗安州黃州兵於甯邊城下復遣將敗其援兵次宣屯村村民言黃州守將聞國王被圍遣兵萬五千往援行三日矣我軍疾馳一晝夜追及於陶山擊敗之九月坐固山額眞鄂莫克圖

欲脅取蒙古台吉博洛女媼事豪格豪格不治其罪罷部任罰銀千三年九月  
伐明自董家口毀邊牆入敗明兵於豐潤遂下山東降高唐略地至曹州還下  
東光又遣騎二千破明兵克獻縣四年四月師還賜馬二銀萬復攝戶部復原  
封又偕多鐸敗甯遠兵斬明將金國鳳五年六月偕多爾袞屯田義州刈錦州  
禾克臺九小浚河西臺二明兵夜出襲鎮藍旗營擊敗之又擊洪承疇杏山偕  
多爾袞圍錦州坐離城遠駐復遣兵還家降郡王六年再圍錦州擊松山及山  
海關援兵皆敗之獲馬五百餘承疇將兵十三萬援錦州破其壘三上至軍將  
駐高橋豪格等恐敵約軍夾攻請改屯松山杏山間七年松山明將夏承德密  
遣人請降以其子舒爲質豪格遣左右翼夜梯城入八旗兵繼之旦克松山獲  
承疇及巡撫邱民仰等斬首百餘兵千六十有奇進駐杏山復偕濟爾哈朗克  
塔山叙功復原封賜鞍馬一蟒綬百順治元年四月以語侵睿親王多爾袞爲  
固山額真何洛會所訐坐削爵十月大封諸王念豪格從定中原有功仍復原  
封其年冬定濟甯滿家洞土寇堙山洞二百五十一二年命爲靖遠大將軍偕

衍禧郡王羅洛渾貝勒尼堪等西征師次西安遣尙書星納等破敵邠州別遣固山額真都類攻慶陽時賀珍二隻虎係守法據漢中興安武大定高如礪蔣登雷石國璽王可成周克德據徽縣階州師自西安分兵進擊登雷國璽可成克德俱降餘潰走下所陷城邑陝西平十一月入四川張獻忠據西充遣巴牙喇昂邦熬拜先發師繼進抵西充大破之豪格親射獻忠殪平其壘百三十餘所斬首數萬級捷聞上嘉獎四年八月避義夔州茂州榮昌隆昌富順內江寶陽諸郡縣悉定四川平五年二月師還上御太和殿宴勞睿親王多爾袞與豪格有夙隙坐豪格徇隱部將冒功及擢用罪人揚善弟吉賽繫豪格於獄三月薨睿親王納豪格福晉嘗召其子富綬至邸校射何洛會語人曰見此鬼魅令人心悸何不除之錫翰以告睿親王曰何洛會意因爾不知我愛彼也由是得全八年正月上親政雪豪格枉復封和碩肅親王立碑表之十三年追諡親王得諡自豪格始以諡繫封號上曰武肅親王乾隆四十三年配享太廟豪格子七有爵者二富綬猛義富綬襲爵改號曰顯親王康熙八年薨諡曰懿子丹臻



襲三十五年從征噶爾丹四十一年薨諡曰密子衍潢襲乾隆三十六年薨年  
八十二諡曰謹當綬孫蘊著襲乾隆中自三等輔國將軍授內閣侍讀學士歷  
通政使盛京戶部侍郎調兵部侍郎遷漕運總督坐受商人餽遺謬稱上旨籍  
鹽政吉慶家坐絞上寬之復授副都統歷涼州綏遠城將軍工部尙書既襲封  
四十三年復號肅親王薨年八十諡曰勤丹臻孫永錫襲官都統坐事罷道光  
元年薨諡曰恭子敬敏襲咸豐二年薨諡曰慎子華豐襲歷內大臣宗令以火  
器營設礮製藥占用王府地華豐力拒之詔責不知大體罷宗令內大臣八年  
薨諡曰恪子隆勲襲官內大臣光緒二十一年疏請納正言裕財用上嘉納之  
二十四年薨諡曰良子善耆襲三十三年授民政部尙書遜國後避居大連灣  
久之薨諡曰忠溫良郡王猛義豪格第五子順治十四年封康熙十三年薨子  
佛永惠襲三十七年降貝勒卒子揆惠襲輔國公坐事奪爵延信猛義第三子  
初封奉國將軍累官至都統五十七年從撫遠大將軍貝子允禪率師討策妄  
阿喇布坦駐西寧五十九年授平逆將軍率師徇西藏道青海擊敗策妄阿喇

布坦將策喀敦多卜遂入西藏西藏平詔曰平逆將軍延信領滿洲蒙古綠旗各軍經自古未闢之道煙瘴惡溪人跡罕見身臨絕域殲夷醜類勇略可嘉封輔國公尋攝撫遠大將軍事揆惠既奪爵議以延信襲進貝子再進貝勒授西安將軍五年上以延信與阿其那等結黨又陰結允禔徇年羹堯入藏伐帑十萬兩奪爵逮下王大臣按治讞上延信黨援欺罔負恩要結人心貪婪亂政失誤兵機凡二十罪當斬上命幽禁子孫降紅帶

輔國公葉布舒太宗第四子初封鎮國將軍康熙八年晉輔國公二十九年卒子蘇爾登降襲鎮國將軍

承澤裕親王碩塞太宗第五子順治元年封時李自成奔潼關河以南仍爲自成守碩塞從豫親王多鐸師次孟津進攻陝州破自成將張有增劉方亮自成迎戰又大破之師入關斬其將馬世堯尋復從南征擊破明福王由崧賜團龍紗衣一襲金二千銀二萬嗣復從多鐸征喀爾喀英親王阿濟格成大同會姜瓖叛碩塞移師解代州圍進親王諭曰博洛尼堪碩塞皆不當在貴寵之列茲

以太祖孫故加錫王爵其班次俸祿不得與和碩親王等七年以和碩親王下多羅郡王上無止稱親王者仍改郡王八年復進和碩親王迭掌兵部宗人府十一年十二月薨予諡第一子博果鐸襲改號曰莊親王雍正元年薨年七十四諡曰靖無子宗人府題請以聖祖子承襲世宗請於皇太后以聖祖第十六子允祿爲之後襲爵居數日上手詔謂外間妄議朕愛十六阿哥令其承襲莊親王爵朕封諸弟爲親王何所不可而必藉承襲莊親王爵加厚於十六阿哥乎允祿精數學通樂律承聖祖指授與修數理精蘊乾隆元年命總理事務兼掌工部食親王雙俸二年叙總理勞加封鎮國公允祿請以碩塞孫甯赫襲尋坐事奪爵仍厚分與田宅時論稱之四年坐與允弼子弘皙往來詭秘停雙俸罷都統七年命與三泰張照管樂部允祿等奏藉田禮畢筵宴當奏兩陽時若五穀豐登家給時足三章本爲蔣廷錫所撰樂與禮不符不能施於燕樂請敕別撰又奏中和韶樂例用笙四簫笛皆二金革二音獨出衆樂之上請增笙爲八簫笛爲四又奏漢以來各史樂志俱有鈔鐘特磬今得西江古鈔鐘考定黃

鐘直度上下損益鑄鍾十二竊以條理宜備始終請仿周禮磬氏遺法制特磬十二與鍾俱爲特懸樂閔擊特磬乃奏敵大祭祀大典禮皆依應月之律設鍾鐘特磬各一簾上悉從之二十九年允祿年七十上賜詩褒之三十二年薨年七十三諡曰恪子弘普輔國公前卒孫永瑤襲厯都統領侍衛內大臣仍管樂部宗人府五十三年薨諡曰愼無子以從子綿課襲厯都統領侍衛內大臣御前大臣嘉慶十八年林清爲亂其徒入宮門綿課持械拒射傷一人得旨議叙明年上幸木蘭綿課奏河橋圯於水意在尼行不稱上旨坐罰俸並罷諸職道光二年坐承修裕陵隆恩殿工草率降郡王四年重修工訖復親王六年薨諡曰襄子奕劻嗣八年以寶華峪地宮入水追論綿課罪降奕劻郡王並奪諸子奕劻奕劻奕興奕廣職十一年上五十萬壽復奕劻親王十八年九月坐與輔國公溥喜赴尼寺食鴉片奪爵上聞奕劻浮薄無行戍吉林又娶民女爲妾改成黑龍江以允祿曾孫綿護襲綿護允祿次子輔國公弘融孫輔國將軍永蕃子也二十一年薨諡曰勤弟綿祥襲二十五年薨諡曰質子奕仁襲同治

十三年薨諡曰厚子載助襲光緒二十六年義和團入京師載助與端郡王載漪相結設壇於其邸縱令使館俄授步軍統領上奉太后幸太原載助從爲行在查營大臣既與各國議和罪禍首奪爵賜自盡弟載功襲碩塞第二子博爾果洛封惠郡王坐事奪爵世宗既以允祿襲莊親王封博爾果洛孫球琳爲貝勒惠郡王所屬佐領皆隸焉乾隆中坐事奪爵子德謹襲輔國公子孫遞降以奉恩將軍世襲

鎮國愨厚公高塞太宗第六子初封輔國公康熙八年進鎮國公高塞居盛京讀書醫無間山嗜文學彈琴賦詩自號敬一主人九年卒子孫遞降至曾孫忠福襲輔國將軍坐事奪爵

輔國公品級常舒太宗第七子初封鎮國將軍康熙八年進輔國公十四年坐事奪爵三十七年授輔國公品級明年卒乾隆元年高宗命錄太祖太宗諸子後無爵者授常舒子海林奉恩將軍世襲再傳至慧文卒命停襲

輔國公韜塞太宗第十子初封鎮國將軍康熙八年進輔國公三十四年卒乾

隆元年授韜塞子諭德奉恩將軍世襲

襄昭親王博穆博果爾太宗第十一子順治十二年封襄親王十三年薨子詮無子爵除

世祖八子孝康章皇后生聖祖孝獻皇后董鄂氏生榮親王甯愍妃董鄂氏生裕憲親王福全庶妃巴氏生牛鈕庶妃陳氏生恭親王常甯庶妃唐氏生奇授庶妃鈕氏生純靖親王隆禧庶妃穆克圖氏生永幹牛鈕奇授永幹皆殤無封裕憲親王福全世祖第二子幼時世祖問志對願爲賢王世祖異之康熙六年封命與議政十一年十二月疏辭允之二十二年上奉太皇太后幸五臺先行視道路命福全扈太皇太后行次長城嶺上以嶺險不可陟命福全奉太皇太后先還二十七年太皇太后崩既繹祭諭曰裕親王自太皇太后違豫與朕同處殊勞苦命皇長子及領侍衛大臣送王歸第二十九年七月噶爾丹深入烏朱穆秦命爲撫遠大將軍皇長子允禔副之出古北口而以恭親王常甯爲安北大將軍山喜峯口福全請發大同綠旗兵往殺虎口聽調遣上令發大同鎮

標馬兵六百步兵一千四百從征兼命理藩院自阿喇尼設站處量發附近蒙古兵尾大軍置驛福全又請凡諜報皆下軍中上從之師行上御太和門賜敕印出東直門送之上先後遣內大臣阿密達尙書阿喇尼都統阿南達等出塞命各率所部與福全師會上出塞駐古魯富爾堅嘉澤噶山命康親王傑書率師會福全進駐博和洛屯又命簡親王雅布參贊福全軍事上先遣內大臣索額圖都統蘇努分道出師福全奏請令索額圖駐巴林待師至與會上從之並令蘇努同赴巴林又趣阿密達阿喇尼等速率兵內向分駐師所經道中以待上自博洛和屯還駐舍里烏朱遣使諭福全曰兵漸與敵近斥堠宜嚴明噶爾丹當先與羈縻以待盛京及烏喇科爾沁諸部兵至福全遣濟隆胡土克圖等以書喻噶爾丹曰我與汝協護黃教汝追喀爾喀入我界上命我等來諭決此事汝使言我汗違遠賴喇嘛之諭講信修禮所關重大今將於何地會議並遣以羊百牛二十蘇努阿密達師來會福全疏言噶爾丹聲息漸近臣等分大軍爲三隊三隊當置將自參贊大臣以下副都統以上在行間者皆奮欲前驅唯

上所命上命前鋒統領邁圖護軍統領楊岱副都統札木素塞赫羅滿色海蘭  
尙書吉勒塔布阿喇尼率前隊都統楊文魁副都統康喀喇伊壘巴格印率次  
隊公蘇努彭春率兩翼內大臣佟國維索額圖明珠阿密達從王親督指揮師  
遂進八月己未朔次烏蘭布通與厄魯特兵遇黎明整隊進日晡與戰發鎗礮  
至山下厄魯特兵於林內隔河高岸橫臥橐駝以爲障內大臣佟國綱等戰沒  
至昏師左翼自山腰入大敗之斬馘頗衆師右翼阻河崖泥淖夜收兵徐退事  
聞上深獎諭之噶爾丹遣伊拉古克三胡土克圖至軍前請執土謝圖汗澤卜  
尊丹巴界之福全數其罪遣還越日濟隆胡土克圖率其弟子七十人來言博  
碩克圖汗信伊拉古克三等言入邊侵掠大非理但欲索其仇土謝圖汗及澤  
卜尊丹巴迫而致此彼今亦不敢復索土謝圖汗願以澤卜尊丹巴予其師達  
賴喇嘛榮莫大矣福全謂之曰土謝圖汗澤卜尊丹巴卽有罪唯上責之豈能  
因噶爾丹之言遣還達賴喇嘛且汝往來行說能保噶爾丹不乘間奔逸掠我  
境內民人乎濟隆固言噶爾丹不敢妄行福全許檄各路軍止勿擊時盛京及



烏喇科爾沁諸軍未至厄魯特方據險故福全既擊敗厄魯特欲因濟隆之請  
羈縻之待諸軍至復戰上以福全奏下王大臣集議會謂福全不即進軍明知  
濟隆爲噶爾丹游說以緩我師而故聽之坐失事機上嚴旨詰責又以允禔與  
福全不協留軍前必債事召先還京師福全遣侍衛吳丹護軍參領塞爾濟等  
偕濟隆諭噶爾丹噶爾丹跪威靈佛前稽首設誓復遣伊拉古克三齋奏章及  
誓書詣軍前乞宥罪出邊待命上許之復戒福全曰噶爾丹雖服罪請降但性  
狡詐我撤兵即虞背盟仍宜爲之備十月福全率師還駐哈嗎爾嶺內疏言軍  
中糧至十月十日當盡前遣侍郎額爾賀圖偕伊拉古克三諭噶爾丹月餘未  
歸度噶爾丹已出邊遠遁上以福全擅率師內徙待歸時議罪命即撤兵還京  
師令福全及索額圖明珠費揚古阿密達留後尋奏噶爾丹出邊伊拉古克三  
等迫及於塞外噶爾丹具疏謝罪因並命福全還京師十一月福全等至京師  
命止朝陽門外聽勘諭曰貝勒阿敏棄永平代善使朝鮮不遵旨行事英親王  
以兵謀皆取口供今應用其例且諭允禔曰裕親王乃汝伯父倘汝供與王有

異同必置汝於法福全初欲錄允禔軍中過惡上聞聞上命流涕曰我復何言遂引爲己罪王大臣議尊爵上以擊敗厄魯特功免尊爵罷議政罰俸三年撤三佐領三十五年從上親征噶爾丹四十一年重修國子監文廟封長子保泰爲世子四十二年福全有疾上再臨視巡塞外聞福全疾篤命諸皇子還京師福全薨即日還蹕臨喪摘纓哭至柩前奠酒慟不已是日太后先臨王第上勸太后還宮自蒼震門入居景仁宮不理政事羣臣勸上還乾清宮上曰居便殿不自朕始乃太祖太宗舊典也越日再臨喪賜內廐馬二對馬二散馬六駱駝十及蟒緞銀兩予諡又越日舉殯上奉太后臨王第慟哭殯行乃已命如鄭親王例常祭外有加祭御史羅占爲監造墳塋建碑福全畏遠權勢上友愛恭篤嘗命畫工寫御容與並坐桐陰示同老意也有目耕園禮接士大夫子保泰保綬保泰初封世子襲爵雍正二年坐諂附廉親王允禩國喪演劇奪爵以保綬子廣甯襲保綬追封悼親王四年諭廣甯治事錯繆未除保泰朋黨之習奪爵鎖禁弟廣祿襲乾隆五十年薨諡曰莊子亮煥襲郡王嘉慶十三年薨諡曰僖

孫文和襲貝勒子孫循例遞降以鎮國公世襲

榮親王世祖第四子生二歲未命名薨追封

恭親王常甯世祖第五子康熙十年封十四年分給佐領二十二年府第災上親臨視是秋上奉太皇太后幸五臺常甯扈從二十九年噶爾丹深入烏朱穆秦常甯爲安北大將軍簡親王雅布信郡王鄂札副之出喜峯口同時裕親王福全以撫遠大將軍出古北口先發旋令率師會裕親王軍十一月以擊敗噶爾丹不窮追罷議政罰王俸三年三十五年從上親征四十二年薨上方巡幸塞外命諸皇子經理其喪賜銀萬內務府郎中皂保監修墳塋立碑遣官致祭上還京師臨其喪第三子海善襲貝勒五十一年坐縱內監妄行奪爵雍正十年復封乾隆八年卒設僖敏初奪爵以常甯第二子滿都護襲貝勒屢坐事降鎮國公又以海善孫斐蘇襲貝勒子孫循例遞降以不入八分鎮國公世襲純靖親王隆禧世祖第七子康熙十三年封十四年分給佐領十八年七月隆禧疾篤上親臨視爲召醫是日再臨視日加申薨上痛悼輟朝三日太皇太后

欲臨其喪上力諫乃止上復欲臨奠太皇太后亦諭止之留太皇太后宮中越日上臨奠命發帑修塋加祭予諡子富爾祜倫襲明年薨上輟朝三日又明年葬純親王隆福上臨奠富爾祜倫無子未立後爵除

清史稿

列傳七

諸王六

聖祖諸子

貝子品級允禔

理密親王允祜

誠隱郡王允祉

恒溫親王允禩

淳度親王允祐

允禩

允禔

輔國公允禔

履懿親王允禔

怡賢親王允祥

恂勤郡王允禩

愉恪郡王允禩

果毅親王允禮

果毅親王弘禔

簡靖貝勒允禕

慎靖郡王允禧

慎靖郡王永禧

恭勤貝勒允祐

郡王品級誠貝勒允祁

誠恪親王允祕

世宗諸子

端親王弘暉

和恭親王弘晷

懷親王福惠

聖祖三十五子孝誠仁皇后生承祜理密親王允祜孝恭仁皇后生第六子允

祚世宗恂勤郡王允禔敬敏皇貴妃章佳氏生怡賢親王允祥溫僖貴妃鈕祜祿氏生貝子品級允禩順懿密妃王氏生愉恪郡王允禩莊恪親王允祿第十八子允祜純裕勤妃陳氏生果毅親王允禮惠妃納喇氏生承慶貝子品級允禔宜妃郭絡羅氏生恆溫親王允祺第九子允禩第十一子允禩榮妃馬佳氏生承瑞賽音察渾長華長生誠隱郡王允祉成妃戴佳氏生淳度親王允祐良妃衛氏生第八子允禔定妃萬琉哈氏生履懿親王允禩平妃赫舍里氏生允禩通嬪納喇氏生萬黼允禩襄嬪高氏生第十九子允禩簡靖貝勒允禩謹嬪色赫圖氏生恭勤貝勒允禩靜嬪石氏生郡王品級誠貝勒允禩熙嬪陳氏生慎靖郡王允禩穆嬪陳氏生誠恪親王允禩貴人郭絡羅氏生允禩貴人陳氏生允禩允祿出爲承澤裕親王碩塞後允禩允禩允祜允祜允禩皆殤無封承瑞承祜承慶賽音察渾長華長生萬黼允禩允禩允禩皆殤不齒序

固山貝子品級允禩聖祖第一子上有巡幸輒從康熙二十九年命副裕親王福全禦噶爾丹上以允禩聽譏與福全不協私自陳奏慮在軍中僨事召還京

師未幾福全師還命諸王大臣勘鞫福全初欲發允禔在軍中過失會有嚴旨戒允禔不得與福全異同福全乃引罪語在福全傳三十五年從上征噶爾丹命與內大臣索額圖統先發八旗前鋒漢軍火器營與四旗察哈爾及綠旗諸軍駐拖陵布喇克待上西路大將軍費揚古軍後期下軍中大臣議亦遣官諮允禔上遂進軍昭莫多既捷允禔留中拖陵犒軍尋召還三十七年三月封直郡王三十九年四月上巡視永定河堤鳩工疏濬命允禔總之四十七年九月皇太子允礽既廢允禔奏曰允礽所行卑汚失人心術士張明德嘗相允禔必大貴如誅允礽不必出皇父手上怒詔斥允禔凶頑愚昧並戒諸皇子勿縱屬下人生事允禔用喇嘛巴漢格隆魔術厭廢太子事發上命監守尋奪爵幽於第四月上將巡塞外諭允禔鎮廢皇太子及諸皇子不念父母兄弟事無顧忌萬一禍發朕在塞外三日後始聞何由制止下諸王大臣議於八旗遣護軍參領八護軍校八護軍八十仍於允禔府中監守上復遣貝勒延壽貝子蘇努公鄂飛都統辛泰護軍統領圖爾海陳泰並八旗章京十七人更番監守仍嚴諭



疏忽當族誅雍正十二年卒世宗命以固山貝子禮殯葬子弘昉襲鎮國公卒  
子永揚襲輔國公坐事奪爵高宗以允禔第十三子弘昉封奉恩將軍世襲  
理密親王允禔聖祖第二子康熙十四年十二月乙丑聖祖以太皇太后皇太  
后命立爲皇太子太子方幼上親教之讀書六歲就傅令大學士張英李光地  
爲之師又命大學士熊賜履授以性理諸書二十五年上召江甯巡撫湯斌以  
禮部尙書領詹事斌薦起原任直隸大名道耿介爲少詹事輔導太子介旋以  
疾辭逾年斌亦卒太子通滿漢文字嫻騎射從上行幸廣詠斐然二十九年七  
月上親征噶爾丹駐蹕古魯富爾堅嘉渾噶山遣疾召太子及皇三子允祉至  
行宮太子侍疾無髮色上不懌遣太子先還三十三年禮部奏祭奉先殿儀注  
太子拜褥置檻內上諭尙書沙穆哈移設檻外沙穆哈請旨記檔上命奪沙穆  
哈官三十四年册石氏爲太子妃三十五年二月上再親征噶爾丹命太子代  
行郊祀禮各部院奏章聽太子處理事重要諸大臣議定啓太子六月上破噶  
爾丹還太子迎於諾海河朔命太子先還上至京師太子率羣臣郊迎明年上

行兵寧夏仍命太子居守有爲蜚語聞上者謂太子隄比匪人素行遂變上還京師錄太子左右用事者置於法自此眷愛漸替四十七年八月上行圍皇八子允祜疾作留永安拜昂阿上回鑾臨視允祜病篤上諭曰允祜病無濟區區稚子有何關係至於朕躬上恐貽高年皇太后之憂下則繫天下臣民之望宜割愛就道因啓蹕九月乙亥次布爾哈蘇台召太子集諸王大臣諭曰允祜不法祖德不遵朕訓肆惡虐衆暴戾淫亂朕包容二十年矣乃其惡愈張僭辱廷臣專擅威權鳩衆黨與窺伺朕躬起居動作平郡王訥爾素貝勒海善公普奇遭其毆撻大臣官員亦罹其毒朕巡幸陝西江南浙江未嘗一事擾民允祜與所屬恣行乖戾無所不至遣使邀截蒙古貢使攘進御之馬致蒙古俱不心服朕以其賦性奢侈用凌普爲內務府總管以爲允祜乳母之夫便其徵索凌普更爲貪婪包衣下人無不怨憾皇十八子抱病諸臣以朕年高無不爲朕憂允祜乃親兄絕無友愛之意朕加以責讓忿然發怒每夜偪近布城裂縫竊視從前索額圖欲謀大事朕知而誅之今允祜欲爲復仇朕不卜今日被鳩明日遇

害晝夜戒慎不寧似此不孝不仁太祖太宗世祖所締造朕所治平之天下斷不可付此人上且諭且泣至於仆地即日執允弼命直郡王允禔監之誅索額圖二子格爾芬阿爾吉善及允弼左右二格蘇爾特哈什太薩爾邦阿其罪稍減者遣戍盛京次日上命宣諭諸臣及侍衛官兵略謂允弼爲太子有所使令衆敢不從即其中豈無奔走逢迎之人今事內干連應誅者已誅應遣者已遣餘不更推求毋危懼上既廢太子憤懣不已六夕不安寢召扈從諸臣涕泣言之諸臣皆嗚咽既又諭諸臣謂觀允弼行事與人大不同類狂易之疾似有鬼物憑之者及還京設氍毹上驛院側令允弼居焉更命皇四子與允禔同守之尋以廢太子詔宣示天下上並親撰文告天地太廟社稷曰臣祇承丕緒四十七年餘矣於國計民生夙夜兢業無事不可質諸天地稽古史冊興亡雖非一轍而得衆心者未有不興失衆心者未有不亡臣以是爲鑒深懼祖宗垂貽之大業白臣而隳故身雖不德而親握朝綱一切政務不徇偏私不謀羣小事無久稽悉由獨斷亦惟鞠躬盡瘁死而後已在位一日勤求治理斷不敢少懈不

知臣有何辜生子如允礽者不孝不義暴虐恣淫若非鬼物憑附狂易成疾有血氣者豈忍爲之允礽口不道忠信之言身不履德義之行咎戾多端難以承祀用是昭告昊天上帝特行廢斥勿致貽憂邦國痛毒蒼生抑臣更有哀籲者臣自幼而孤未得親承父母之訓惟此心此念對越上帝不敢少懈臣雖有衆子遠不及臣如大清歷數綿長延臣壽命臣當益加勤勉謹保終始如我國家無福卽殃及臣躬以全臣令名臣不勝痛切謹告太子旣廢上諭諸皇子中如有謀爲皇太子者卽國之賊法所不宥諸皇子中皇八子允禩謀最力上知之命執付議政大臣議罪削貝勒十月皇三子允祉發喇嘛巴漢格隆爲皇長子允禔朕允礽事上令侍衛發允礽所居室得厭勝物十餘事上幸南苑行圍遣疾還宮召允礽入見使居咸安宮上諭諸近臣曰朕召見允礽詢問前事竟有全不知者是其諸惡皆被壓魅而然果蒙天佑狂疾頓除改而爲善朕自有裁奪廷臣希旨有請復立允礽爲太子者上不許左副都御史勞之辨奏上上斥其奸詭奪官予杖旣上召諸大臣命於諸皇子中舉孰可繼立爲太子者諸大

臣舉允禩明日上召諸大臣入見諭以太子因魘魅失本性狀諸大臣奏上既灼知太子病源治療就痊請上頒旨宣示又明日召允禩及諸大臣同入見命釋之且曰覽古史冊太子既廢常不得其死人君靡不悔者前執允禩朕日日不釋於懷自頃召見一次胸中乃疏快一次今事已明白明日爲始朕當霍然矣又明日諸大臣奏請復立允禩爲太子疏留中未下上疾漸愈四十八年正月諸大臣復疏請上許之三月辛巳復立允禩爲皇太子妃復爲皇太子妃五十年十月上察諸大臣爲太子結黨會飲譴責步軍統領託合齊尙書耿額齊世武都統鄂繕逆圖託合齊兼坐受戶部缺主沈天生賄罪絞又以領國公景熙首告貪婪不法諸事未決死於獄命剉尸焚之齊世武耿額亦以得沈天生賄絞死鄂繕奪官幽禁逆圖入辛者庫守安親王墓上諭謂諸事皆因允禩允禩不仁不孝徒以言語貨財屬此輩貪得誚媚之人潛通消息尤無恥之甚五十一年十月復廢太子禁錮咸安宮五十二年趙申喬疏請立太子上諭曰建儲大事未可輕言允禩爲太子時服御俱用黃色儀注上幾於朕實開驕縱之

門宋仁宗三十年未立太子我太祖太宗亦未豫立漢唐已事太子幼沖尙保無事若太子年長左右羣小結黨營私鮮有能無過者太子爲國本朕豈不知立非其人關繫匪輕允礽儀表學問才技俱有可觀而行事乖謬不仁不孝非狂易而何凡人幼時猶可教訓及長而誘於黨類便各有所爲不復能拘制矣立皇太子事未可輕定自是上意不欲更立太子雖諭大學士九卿等裁定太子儀仗卒未用終清世不復立太子五十四年十一月有醫賀孟類者爲允礽福金治疾允礽以礬水作書相往來復屬普奇舉爲大將軍事發普奇等皆得罪五十六年大學士王掞疏請建儲越數日御史陳嘉猷等八人疏繼上上疑其結黨疏留中不下五十七年二月翰林院檢討朱天保請復立允礽爲太子上親召詰責辭連其父侍郎朱都納及都統銜齊世副都統戴保常資內閣學士金寶朱天保戴保諫死朱都納及常資金寶交步軍統領枷示齊世交宗人府幽禁七月允礽福金石氏卒上稱其淑孝寬和作配允礽辛勤歷有年所諭大學士等同翰林院撰文致祭六十年三月上萬壽節拔復申前請建儲越數

日御史陶彝等十二人疏繼上上乃嚴旨斥挾爲奸並以諸大臣請逮挾等治罪上令挾及彝等發軍前委署額外章京挾年老其子奕清代行六十一年世宗卽位封允礽子弘皙爲理郡王雍正元年詔於祁縣鄭家莊修蓋房屋駐劄兵丁將移允礽往居之二年十二月允礽病薨追封諡六年弘皙進封親王乾隆四年十月高宗諭責弘皙自視爲東宮嫡子居心叵測削爵以允礽第十子弘嘯襲郡王四十五年薨諡曰恪子永璣襲貝勒子孫循例遞降以輔國公世襲允礽第三子弘晷第六子弘晙第七子弘晙第十二子弘晙皆封輔國公弘晙卒諡恪僖子永瑋襲事高宗歷官左宗正廣州黑龍江盛京將軍卒諡恪勤永璣四世孫福錕事德宗官至體仁閣大學士諡文慎

誠隱郡王允祉聖祖第三子康熙二十九年七月偕皇太子詣古魯富爾堅嘉渾嶧山行宮上命先還三十二年闕里孔廟成命偕皇四子往祭凡行圍謁陵皆從三十五年上親征允祉領鑲紅旗大營三十七年三月封誠郡王三十八年敏妃之喪未百日允祉薙髮坐降貝勒王府長史以下譴黜有差四十三年

命勘三門底柱四十六年三月迎上幸其邸園侍宴嗣是歲以爲常或一歲再幸四十七年太子旣廢上以允祉與太子素親睦召問太子情狀且曰允祉與允弼雖慤然未愆惡其爲惡故不罪也蒙古喇嘛巴漢格隆爲允禔厭勝廢太子允祉偵得之發其事明年太子復立允祉進封誠親王五十一年賜銀五千聖祖遂律歷之學命允祉率庶吉士何國宗等輯律呂算法諸書諭曰古歷規模甚好但其數目歲久不合今修歷書規模宜存古數目宜準今五十三年十一月書成奏進上命以律呂歷法算法三者合爲一書名曰律歷淵源五十八年上有事於圓丘拜畢命允祉行禮五十九年封子弘晟爲世子班俸視貝子六十年上命弘晟偕皇四子皇十二子祭盛京三陵世宗卽位命允祉守護景陵雍正二年弘晟得罪削世子爲閑散宗室六年六月允祉索蘇克濟昧事發在上前詰王大臣上責其無臣禮議奪爵錮私第上曰朕止此一兄朕兄弟如允祉者何限皆欲激朕治其罪其心誠不可喻良亦朕不能感化所致未可謂盡若輩之罪也命降郡王而歸其罪於弘晟交宗人府禁錮八年二月復進封



親王五月怡親王之喪允祉後至無戚容莊親王允祿等勅下宗人府議奏稱允祉乖張不孝屢近陳夢雷周昌言祈禳鎮壓與阿其那塞思黑允禩交相黨附其子弘晟凶頑狂縱助父爲惡僅予禁錮而允祉銜恨怨懟怡親王忠孝性成允祉心懷嫉忌並不懇請持服王府齊集遲至早散背理蔑倫當創爵與其子弘晟皆論死上命奪爵禁景山永安亭聽家屬與偕弘晟仍禁宗人府十年閏五月薨視郡王例殯葬乾隆二年追諡子弘暉封貝子子孫遞降以不入八分輔國公世襲五世孫載齡襲爵事德宗官至體仁閣大學士諡文恪

恒溫親王允祺聖祖第五子康熙三十五年上征噶爾丹命允祺領正黃旗大營四十八年十月封恒親王五十一年賜銀五千五十八年封子弘昇爲世子班祿視貝子雍正五年坐事創世子十年閏五月允祺薨予諡子弘晬襲乾隆四十年薨諡曰恪子永皓襲郡王五十三年薨諡曰敬弘昇子永澤襲貝子子孫循例遞降以鎮國公世襲弘昇既創世子乾隆十九年卒子貝勒品級諡恭

恪

淳度親王允祐聖祖第七子康熙三十五年上征噶爾丹命允祐領鑲黃旗大營三十七年三月封貝勒四十八年十月封淳郡王五十一年賜銀五千五十七年十月正藍旗滿洲都統延信征西陲命允祐管正藍三旗事務雍正元年進封親王詔褒其安分守己敬順小心復命與誠親王允祉並書景陵碑額以兩王皆工書故八年四月薨予諡子弘曙聖祖命皇十四子允禩爲撫遠大將軍駐甘州令弘曙從聖祖崩世宗召還京封世子雍正五年坐事削改封弘曙爲世子允祐薨弘曙襲乾隆四十二年薨諡曰愼子永鋆襲貝勒子孫遞降以鎮國公世襲永鋆子綿洵事穆宗官涼州副都統轉戰河南直隸山東湖北克臨清破連鎮馮官屯皆有功遷荊州將軍卒諡莊武

允禩聖祖第八子康熙三十七年三月封貝勒四十七年九月署內務府總管事太子允礽既廢允禩謀代立諸皇子允禩允禪允禪諸大臣阿靈阿鄂倫岱揆叙王鴻緒等皆附允禩允祉言於上謂相士張明德言允禩後必大貴上大怒會內務府總管凌普以附太子得罪籍其家允禩頗庇之上以責允禩諡曰

凌普貪婪巨富所籍未盡允禩每妄博虛名凡朕所施恩澤俱歸功於己是又一太子矣如有人譽允禩必殺無赦翌日召諸皇子入諭曰當廢允禩時朕即諭諸皇子有鑽營爲皇太子者即國之賊法所不容允禩柔奸性成妄蓄大志黨羽相結謀害允禩今其事皆敗露即鎖繫交議政處審理允禩語允禩入爲允禩營救上怒出佩刀將誅允禩允禩跪抱勸止上怒少解仍諭諸皇子議政大臣等毋寬允禩罪逮相士張明德會鞫詞連順承郡王布穆巴公賴土普奇順承郡王長史阿祿張明德坐凌遲處死普奇奪公爵允禩亦奪貝勒爲閒散宗室上復諭諸皇子曰允禩庇其乳母夫雅齊布雅齊布之叔廐長吳達理與御史雍泰同權關稅不相能訴之允禩允禩借事痛責雍泰朕聞之以雅齊布發翁牛特公主處允禩因怨朕與褚英孫蘇努相結敗壞國事允禩又受制於妻妻爲安郡王岳樂甥嫉妒行惡是以允禩尙未生子此皆爾曹所知爾曹當遵朕旨方是爲臣子之理若不如此存心日後朕考終必至將朕躬置乾清宮內東甲相爭耳上幸南苑遘疾還宮召允禩入見並召太子使居咸安宮未幾

上命諸大臣於諸皇子中舉可爲太子者阿靈阿等私示意諸大臣舉允禩上曰允禩未更事且罹罪其母亦微賤宜別舉上釋允禩亦復允禩貝勒四十八年正月上召諸大臣問倡舉允禩爲太子者諸臣不敢質言上以大學士馬齊先言衆欲舉允禩因譴馬齊不復深詰尋復立允禩爲太子五十一年十一月復廢允禩六十一年十一月上疾大漸召允禩及諸皇子允祉允祐允禩允禩允禩允禩同受末命世宗即位命允禩總理事務進封廉親王授理藩院尙書雍正元年命辦理工部事務皇太子允禩之廢也允禩謀繼立世宗深憾之允禩亦知世宗憾之深也居常怏怏封親王命下其福晉烏雅氏對賀者曰何賀爲慮不免首領耳語聞世宗憾滋甚會副都統祁爾薩條奏滿洲俗遇喪親友饋粥弔慰後風俗漸弛大設奢饌過事奢靡上用其議申禁因諭斥允禩居母妃喪沽孝名百日後猶扶掖匍匐而行而允禩允禩允禩指稱饋食大肆筵席皇考諭責者屢矣二年上諭曰允禩素行陰狡皇考所深知降旨不可悉數自朕即位優封親王任以總理事務乃不能輸其誠悃以輔朕躬懷挾私心至今

未已凡事欲激朕怒以治其罪加朕以不令之名允禩在諸弟中頗有治事材朕甚愛惜之非允禩允禩等可比是以屢加教誨令其改過不但成朕友于之誼亦全皇考慈愛之衷朕果欲治其罪豈有於衆前三復教誨之理朕一身上關宗廟社稷不得不爲防範允禩在皇考時恣意妄行匪伊朝夕朕可不念祖宗肇造鴻圖以永貽子孫之安乎三年二月三年服滿以允禩任總理事務挾私懷詐有罪無功不予議叙尋因工部製祈穀壇祖宗神牌草率阿爾泰駐兵軍器粗窳屢下詔詰責允禩允禩議減內務府披甲上令覆奏又請一佐領增甲九十餘副上以允禩前後異議諭謂陰邪叵測莫此爲甚因命一佐領留甲五十副不卽裁待缺出不補隸內務府披甲諸人集允禩邸署閨翌日又集副都統李延禧家且縱掠上命捕治諸人自列允禩使閨延禧家允禩不置辯上命允禩鞫定爲首者立斬允禩以五人姓名上上察其一乃自首其一堅稱病未往責允禩所讞不實宗人府議奪允禩爵上命寬之允禩杖殺護軍九十六命太監閻倫隱其事厚賜之宗人府復議奪允禩爵上復寬之四年正月上御

西暖閣召諸王大臣暴允禩罪狀略曰當時允禩希冀非望欲沽忠孝之名而事事傷聖祖之心二阿哥坐廢聖祖命朕與允禩在京辦事凡有啟奏皆蒙御批由允禩藏貯嗣問允禩則曰前值皇考怒恐不測故焚燬筆札御批亦納其中此允禩親向朕言者聖祖升遐朕念允禩夙有才幹冀其痛改前非爲國家出力令其總理事務加封親王推心置腹三年以來宗人府及諸大臣劾議什伯累積朕百端容忍乃允禩詭譎陰邪狂妄悖亂包藏禍心日益加甚朕令宗人府訊問何得將皇考御批焚燬允禩改言抱病昏昧誤行燒毀及朕面質之公然設誓詛及一家允禩自絕於天自絕於祖宗自絕於朕斷不可留於宗姓之內爲我朝之玷謹述皇考諭遵先朝削籍離宗之典革去允禩黃帶子以儆凶邪爲萬世子孫鑒戒並命逐其福晉還外家二月授允禩爲民王留所屬佐領人員凡朝會視民公侯伯例稱親王允禩諸王大臣請誅允禩上不許尋命削王爵交宗人府圈禁高牆宗人府請更名編入佐領允禩改名阿其那子弘旺改菩薩保六月諸王大臣復題允禩罪狀四十事請與允禩允禩並正典刑

上暴其罪於中外九月允禩患嘔噦命給與調養未幾卒於幽所諸王大臣仍請戮尸不許乾隆四十三年正月高宗諭曰聖祖第八子允禩第九子允禩結黨妄行罪皆自取皇考僅令削籍更名以示愧辱就兩人心術而論覬覦竊竊誠所不免及皇考紹登大寶怨尤誹謗亦情事所有特未有顯然悖逆之迹皇考晚年屢向朕諭及愀然不樂意頗悔之若將有待朕今臨御四十三年矣此事重大朕若不言後世子孫無敢言者允禩允禩仍復原名收入玉牒子孫一併敘入此實仰體皇考仁心中未竟之緒想在天之靈亦當憐慰也

允禩聖祖第九子康熙四十七年上責允禩允禩語允禩入爲保奏上怒是時上每巡幸輒隨四十八年三月封貝子十月命往翁牛特送和碩溫恪公主之喪五十一年賜銀四千雍正元年世宗召允禩回京以諸王大臣議命允禩出駐西寧允禩屢請緩行上譴責所屬太監允禩行至軍二年四月宗人府劾允禩擅遣人至河洲買草勘牧地違法律行請奪爵上命寬之三年上聞允禩縱容家下人在西寧生事遣都統楚宗往約束楚宗至允禩不出迎傳旨詰責曰

上責我皆是我復何言我行將出家離世楚宗以聞上以允禩傲慢無人臣禮手詔深責之並牽連及允禩允禩允禩私結黨援諸事七月山西巡撫伊都立奏劾允禩護衛烏雅圖等經平定毆諸生請按律治罪陝西人稱允禩九王爲上所聞手詔斥爲無恥遂奪允禩爵撤所屬佐領卽西甯幽禁並錄允禩左右用事者毛太侈保等撤還京師授以官四年正月九門捕役得毛太侈保等寄允禩私書以聞上見書蹟類西洋字遣持問允禩子弘暘弘暘言允禩所造字也諭曰從來造作隱語防人察覺惟敵國爲然允禩在西寧未嘗禁其書札往來何至別造字體暗藏密遞不可令人以共見耶允禩與弘暘書用硃筆弘暘復書稱其父言爲旨皆僭妄非禮允禩寄允禩書言事機已失其言允駭人命嚴鞫毛太侈保等諸王大臣請治允禩罪命革去黃帶子削宗籍逮還京令楚宗及侍衛胡什里監以行五月令允禩改名又以所擬字樣奸巧下諸王大臣議改爲塞思黑六月諸王大臣復劾允禩罪狀二十八事請誅之胡什里監允禩至保定命直隸總督李紱暫禁觀其行止紱語胡什里當便宜行事胡什禮



以聞上命馳諭止之紱奏無此語八月紱奏允禩以腹疾卒於幽所上聞胡什禮與楚宗中途械繫允禩旋釋去胡什禮又妄述紱語命並逮治其後紱得罪上猶責紱不以允禩死狀明白於衆乃起流言也乾隆間復原名還宗籍子弘毅封不入八分輔國公坐事奪爵

輔國公允禩聖祖第十子康熙四十八年十月封敦郡王五十七年命辦理正黃旗滿洲蒙古漢軍三旗事允禩與允禩允禩皆黨附允禩爲世宗所惡雍正元年澤卜尊丹巴胡土克圖詣京師謁聖祖梓宮俄病卒上遣送靈龜還喀爾喀命允禩齋印冊賜奠允禩託疾不行旋稱有旨召還居張家口復私行禳禱疏文內連書雍正新君爲上所知斥爲不敬兵部劾奏命允禩議其罪四月奪爵逮京師拘禁乾隆二年高宗命釋之封輔國公六年卒詔用貝子品級祭葬履懿親王允禩聖祖第十二子康熙四十八年十月封貝子自是有巡幸輒從五十六年孝惠章皇后崩署內務府總管事務大事將畢乃罷五十七年辦理正白旗滿洲蒙古漢軍三旗事六十年上以御極六十年遣允禩祭盛京三陵

六十一年授鎮黃旗滿洲都統世宗即位進封履郡王雍正二年宗人府劾允禩治事不能敬謹請奪爵命在固山貝子上行走二月因聖祖配享儀注及封妃金冊遺漏舛錯降鎮國公八年五月復封郡王高宗即位進封履親王乾隆二十八年七月薨子諡子弘晷先卒用世子例殯葬餘子皆未封高宗命以皇四子永璘爲允禩後襲郡王四十二年薨諡曰端嘉慶四年追封親王子綿惠襲貝勒嘉慶元年薨追封郡王以成郡王綿懃子奕綸爲後襲貝子進貝勒子孫循例遞降以鎮國公世襲乾隆四十二年高宗南巡還蹕次涿州有僧携童子迎駕自言允城庶子爲側室福晉王氏所棄僧育以長上問允城嫡福晉伊爾根覺羅氏言允城次子以痘殤乃令入都命軍機大臣詰之童子端坐名諸大臣諸大臣不敢決軍機章京保成直前批其頰叱之童子乃自承劉氏子僧教爲妄語斬僧戍童子伊犁仍自稱皇孫所爲多不法上命改戍黑龍江道庫倫庫倫辦事大臣松筠責其不法縛出絞殺之高宗嘉其明決

怡賢親王允祥聖祖第十三子康熙三十七年從上謁陵自是有巡幸輒從六

十一年世宗即位封爲怡親王尋命總理戶部三庫雍正元年命總理戶部十一月諭怡親王於皇考時敬謹廉潔家計空乏舉國皆知朕御極以來一心翊戴克盡臣弟之道從前兄弟分封各得錢糧二十三萬兩朕援此例賜之奏辭不已宣諭再四僅受十三萬復援裕親王例令支官物六年王又固辭今不允所請既不可允其請而實心爲國之懿親轉不得與諸弟兄比朕心不安下諸王大臣議既仍允王請命王所兼管佐領俱爲王屬加護衛一等一員二等四員三等十二員豹尾槍二長桿刀二每佐領增親軍二名二年允祥請除加色加平諸弊並增設三庫主事庫大使從之三年二月三年服滿以王總理事務謹慎忠誠從優議叙復加封郡王任王於諸子中指封八月加俸銀萬京畿被水命往勘十二月令總理京畿水利疏言直隸衛河淀河子牙河永定河皆匯於天津大直沽入海衛河與汶河合流東下滄景以下春多淺阻伏秋暴漲不免潰溢請將滄州磚河青縣興濟河故道疏濬築減水壩以洩衛河之漲並於白塘口入海處開直河使磚河與濟河同歸白塘出海又濬東西二淀多開引

河使脈絡相通溝洫四達仍疏趙北苑家二口以防衝決子牙河爲滹沱及漳水下流其下有清河夾河月河同趨於淀宜開決分注緩其奔放之勢永定河故道已涇應自柳義口引之稍北繞王慶坨東北入淀至三角淀爲衆水所歸應逐年疏濬使濁水不能爲患又請於京東漕薊天津京南文霸任邱新雄諸州縣設管田專官募農耕種四年二月疏言直隸興修水利請分諸河爲四局下吏工諸部議議以南運河與臧家橋以下之子牙河苑家口以東之淀河爲一局今天津道領之苑家口以西各淀池及畿南諸河爲一局以大名道改清河道領之永定河爲一局以永定分司改道領之北運河爲一局撤分司以通水道領之分隸專官管轄尋又命分散京東京西水利管田使各一三月疏陳京東水利諸事五月疏陳畿輔西南水利諸事皆下部議行七月賜御書忠敬誠直勤慎廉明勝論曰怡親王事朕克殫忠誠職掌有九而公爾忘私視國如家朕深知王德覺此八字無一毫過量之詞在朝諸臣於忠勤慎明尙多有之若敬誠直廉則未能輕許期咸砥礪以副朕望七年六月命辦理西北兩路軍

機十月命增儀仗一倍十一月王有疾八年五月疾篤上親臨視及至王已薨上悲慟輟朝三日翌日上親臨奠諭怡親王薨逝中心悲慟飲食無味寢臥不安王事朕八年如一日自古無此公忠體國之賢王朕待王亦宜在常例之外今朕素服一月諸臣常服宴會俱不必行越日復諭舉怡親王功德命復其名上一字爲胤配享太廟諡曰賢並以忠敬誠直勤慎廉明八字加於諡上白家疇等十三村民請建祠允之撥官地三十餘頃爲祭田免租賦命更定園寢之制視常例有加又命未殯月賜祭小祥及殯視大祭禮賜祭三年後歲賜祭皆特恩不爲例乾隆中祀盛京賢王祠命王爵世襲子弘曉襲乾隆四十三年薨諡曰僖子永琅襲嘉慶四年薨諡曰恭孫奕勳襲二十三年薨諡曰恪子載坊襲明年薨弟載垣襲事宜宗命在御前大臣行走受顧命文宗即位歷左宗正宗令領侍衛大臣八年賜紫禁城內肩輿載垣與鄭王端華及端華弟肅順皆爲上所倚相結權勢日張九年命赴天津祭視海防十年正月萬壽節賜杏黃色端罩七月英吉利法蘭西兩國兵至天津命與兵部尙書穆蔭以欽差大臣

赴通州與英人議和時大學士桂良已於天津定議上許英使額爾金至通州  
簽約英使額爾金請入京師親遞國書不許兵復進上以和議未成罷載垣欽  
差大臣未幾上幸熱河及和議定羣臣請還京師上猶豫未決十一年七月  
文宗崩穆宗即位載垣等受遺詔輔政與端華景壽肅順及軍機大臣穆蔭匡  
源杜翰等請瀛稱贊襄政務王大臣擅政九月上奉文宗喪還京師詔罪狀載  
垣等奪爵職下王大臣按治議殊死賜自盡事詳肅順傳爵降爲不入八分輔  
國公並命不得以其子孫及親兄弟子承襲同治元年以莊親王允祿四世孫  
載泰襲輔國公收府第敕書三年七月師克江甯推恩還王爵九月以甯郡王  
弘皎四世孫鎮國公載敦襲怡親王還敕書光緒十六年薨諡曰端子溥靜嗣  
二十六年八月薨九月坐縱莠拳匪啓衅奪爵以先薨免罪弟之子毓麒襲甯  
良郡王弘皎允祥第四子世宗襲允祥功加封郡王任王於諸子中指封允祥  
固辭不敢承及允祥薨世宗乃封弘皎甯郡王世襲乾隆二十九年八月薨諡  
曰良子永福仍循例襲貝勒四十七年九月薨諡恭恪子綿譽仍襲貝勒子孫

遞降以鎮國公世襲載敦紹封怡親王卽以載泰襲鎮國公允祥諸子弘昌初封貝子進貝勒坐事奪爵弘敞未封早世聘於富察氏未婚守志世宗愍之命視貝勒例殯葬弘吟亦用其例

恂勤郡王允禩聖祖第十四子康熙四十八年封貝子五十年從上幸塞外自是輒從五十一年賜銀四千兩五十七年命爲撫遠大將軍討策妄阿喇布坦十二月師行上御太和殿授印命用正黃旗纛五十八年四月勅吏部侍郎色爾圖督兵餉失職都統胡錫圖索詐騷擾治其罪都統延信疏稱準噶爾與青海聯姻婭大將軍領兵出口必有諜告準噶者不若暫緩前進上命駐西寧五十九年二月允禩移軍穆魯斯烏蘇遣平逆將軍延信率師入西藏令查布防西寧訥爾素防古木時別立新胡必爾汗遣兵送之入藏十月延信擊敗準噶爾將策零敦多卜等於卜克河諸地五月允禩率師駐甘州進次吐魯番旋請於明年進兵閏六月和爾博斯厄穆齊塞桑以厄魯特兵五百圍回民回衆萬餘人乞援允禩以糧運艱阻兵難久駐若徒入內地亦苦糧少地狹哈密扎薩

克額敏皆不能容布隆吉爾達里圖諸地又阻瀚海請諭靖逆將軍富寧安相機援撫從之十月召來京面授方略六十一年三月還軍世宗即位諭總理王大臣曰西路軍務大將軍職任重大但於皇考大事若不來京恐於心不安速行文大將軍王馳驛來京允禩至命留景陵待大祭雍正元年五月諭曰允禩無知狂悖氣傲心高朕望其改悔以便加恩今又恐其不能改不及恩施特進爲郡王慰我皇妣皇太后之心三年三月宗人府劾允禩前爲大將軍苦累兵丁侵擾地方糜費軍帑請降授鎮國公上命仍降貝子四年諸王大臣劾請正國法諭允禩止於糊塗狂妄其奸詐陰險與允禩允禩相去甚遠朕於諸人行事知之甚悉非獨於允禩有所偏徇今允禩居馬蘭峪欲其瞻仰景陵痛滌前非允禩不能悔悟奸民蔡懷璽又造爲大逆之言搖惑衆聽宜加禁錮即與其子白起並錮於壽皇殿左右寬以歲月待其改悔高宗即位命釋之乾隆二年封輔國公十二年六月進貝勒十三年正月進封恂郡王二十年六月薨子詮第一子弘春雍正元年封貝子二年坐允禩黨革爵四年封鎮國公六年進貝



子九年進貝勒十一年封泰郡王十二年八月諭責弘春輕佻復降貝子高宗即位奪爵別封允禩第二子弘明爲貝勒乾隆三十二年卒諡恭勤子孫循例遞降以不入八分鎮國公世襲弘春曾孫奕山自有傳

愉恪郡王允禩聖祖第十五子康熙三十九年從幸塞外自是輒從雍正四年封貝勒命守景陵八年封愉郡王九年二月薨子諡子弘慶襲乾隆三十四年薨諡曰恭子永珩襲貝勒子孫循例遞降以輔國公世襲

果毅親王允禮聖祖第十七子康熙四十四年從幸塞外自是輒從雍正元年封果郡王管理藩院事三年諡曰果郡王實心爲國操守清廉宜給親王俸護衛亦如之班在順承郡王上六年進親王七年命管工部事八年命總理戶部三庫十一年授宗令管戶部十二年命赴泰甯送達賴喇嘛還西藏循途巡閱諸省駐防及綠營兵十三年還京師命辦理苗疆事務世宗疾大漸受遺詔輔政高宗即位命總理事務解宗令管刑部尋賜親王雙俸免宴見叩拜密疏請蠲江南諸省民欠漕項蘆課學租雜稅允之諡曰果親王秉性忠直皇考所信

任外間頗疑其嚴厲今觀密奏足見其存心寬厚特以宣示九卿九禮體弱上命在邸治事越數日一入直乾隆元年坐事罷雙俸三年正月病篤遣和親王弘晝往視二月薨上震悼即日親臨其喪予諡無子莊親王允祿等請以世宗第六子弘曠爲之後弘曠善詩詞雅好藏書與怡府明善堂埒御下嚴晨起披衣巡視遇不法者立杖之故無敢爲非者節儉善居積嘗以開煤窰奪民產從上南巡屬兩淮鹽政高恒騫人濫牟利又令織造關差致繡段玩器予賤值二十八年圓明園九州清宴災弘曠後至與諸皇子談笑露齒上不憚又嘗以門下私人屬阿里衮上發其罪並責其奉母妃儉薄降貝勒罷一切差使自是家居閉門意抑鬱不自聊三十年三月病篤上往撫視弘曠於臥榻間叩首引咎上執其手痛曰以汝年少故稍加拂拭何愧惡若此因復封郡王旋薨子諡子永璘襲五十四年薨諡曰簡子綿從襲貝勒孫奕洲襲鎮國公厯官副都統廣州盛京將軍兵部尙書加貝子銜卒諡恪慎子孫遞降以輔國公世襲

簡靖貝勒允禩聖祖第二十子康熙五十五年始從幸塞外自是輒從雍正四

年封貝子八年二月進貝勒十二年八月命祭陵稱病不行降輔國公十三年九月高宗即位復封貝勒守護泰陵乾隆二十年卒子諡子弘閏襲貝子子孫循例遞降以不入八分鎮國公世襲

慎靖郡王允禧聖祖第二十一子康熙五十九年始從幸塞外雍正八年二月封貝子五月諡以允禧立志向上進貝勒十三年十一月高宗即位進慎郡王允禧詩清秀尤工畫遠希董源近接文徵明自署紫瓊道人乾隆二十三年五月薨子諡二十四年十二月以皇六子永瑤爲之後封貝勒三十七年進封質郡王五十四年再進親王永瑤亦工畫濟美紫瓊兼通天算五十五年薨諡曰莊子綿慶襲郡王綿慶幼聰穎年十三侍高宗避暑山莊校射中三矢賜黃馬褂三眼孔雀翎通音律體孱弱嘉慶九年薨年僅二十六仁宗深惜之賜銀五千諡曰恪子奕綺襲貝勒道光五年坐事罰俸十九年奪爵二十二年卒復其封子孫循例遞降以鎮國公世襲

恭勤貝勒允祐聖祖第二十二子康熙五十九年始從幸塞外雍正八年二月

封貝子十二年二月進貝勒乾隆八年卒子諡子弘瞻襲貝子卒子永芝襲領國公坐事奪爵除

郡王品級誠貝勒允祁聖祖第二十三子雍正八年二月封領國公十三年十月高宗即位進貝勒屢坐事降領國公四十五年復封貝子四十七年進貝勒四十九年加郡王銜五十年卒子諡子弘謙襲貝子嘉慶十四年加貝勒品級卒子永康襲領國公卒子綿英襲不入八分領國公卒無子爵除

誠恪親王允祕聖祖第二十四子雍正十一年正月諭曰朕幼弟允祕秉心忠厚賦性和平素爲皇考所鍾愛數年以來在宮中讀書學識亦漸增長朕心嘉悅封爲誠親王乾隆三十八年薨子諡第一子弘暢襲郡王六十年薨諡曰密子永珠襲貝勒道光中坐事奪爵弘昨允祕第二子字仲升乾隆二十八年封二等領國將軍三十九年進封貝子屢坐事奪爵嘉慶間授奉恩將軍卒弘昨工畫師董邦達自署瑤華道人名與紫瓊並永珠旣奪爵以弘昨孫綿勳襲貝子子孫遞降以領國公世襲

世宗十子孝敬憲皇后生端親王弘暉孝聖憲皇后生高宗純懿皇貴妃耿佳氏生和恭親王弘晝敦肅皇貴妃年佳氏生福宜懷親王福惠福沛謙妃劉氏生果恭郡王弘瞻齊妃李氏生弘昉弘時弘昉弘瞻出爲果毅親王允禮後弘昉弘盼福宜福沛皆殤無封弘時雍正五年以放縱不謹削宗籍無封

端親王弘暉世宗第一子八歲殤高宗即位追封親王諡曰端

和恭親王弘晝世宗第五子雍正十一年封和親王十三年設辦理苗疆事務處命高宗與弘晝領其事乾隆間預議政弘晝少驕抗上每優容之嘗監試八旗子弟於正大光明殿日誦弘晝請上退食上未許弘晝遽曰上疑吾買屬士子耶明日弘晝入謝上曰使昨答一語汝盡粉矣待之如初性復奢侈世宗雍邸舊貲上悉以賜之故富於他王好言喪禮言人無百年不死者奚諱爲嘗手訂喪儀坐庭際使家人祭奠哀泣岸然飲啖以爲樂作明器象鼎彝盤盂置几榻側三十年薨子諡子永璧襲三十七年薨諡曰勤子綿倫襲郡王三十九年薨諡曰謹弟綿循襲嘉慶二十二年薨諡曰恪子奕亨襲貝勒卒子載容襲貝

子同治中加貝勒銜卒設敏恪子溥廉襲鎮國公

懷親王福惠世宗第七子八歲殤高宗即位追封親王設曰懷